



29

16
2798
22



門 16
號 2798
卷 22

黃漳浦集卷四十五

詩

七言律詩

辭墓詩己巳冬日負土久畢愴然告山八章

慈雲今復別乖松竹栢迷離鹿豕蹤我自此廬無別宅人從何處更呼慵白鳩宛轉辭新幕鄰婦尋常借暮春柰可一時輕拔足拋多血露與蒙茸
炎寒畚鍤各開關正是爲誰築此山園鶴不嫌松徑淺白羊長叱石頭頑少年浪說版輿好老髻空傷舞袖斑邈邈征途何所極當時曾共惜孱顏

想作桑弧猿鳥迷現前人不及夷齊鳥飛已施掌中飯客至能忘茅氏雞鍾鼎何關魚笋事雲雷猶作嬰兒啼草廬心蹟今如

昭和十九年
六月二十八日
購求

許不用英靈寄舊題

物色誰徵版築哉
踈雲空自攬書臺
祇穿暗竇行無量
不禁披青眼
欲開縈緯已翻新
繭緒狼胡未了舊
風雷熒熒夜燭連
村火猶記授經膝
下來一作裁

銀河從古自垂橫
漫說時清眼復明
幸不當年為范滂
何能今日老袁閎
離窠鴿子終多淚
伏軛驪駒豈任耕
會有隴頭搔背處
暫隨谷鳥一嚶嚶
一作駟駟

勞人登陟永相望
躑躅依然萊子狂
紫水浣衣看往昔
白蜺授藥自何方
絕裾故事吾知免
殺馬工夫久未償
尺寸量身成腐草
橫啼不到古高陽
一作涉

帶索行歌四十年
空焚黃紙與幽泉
夢中猶作茨藜飯
簷外仍枯筆研田
入世才能輸蛤筋
許人身事謝夔蛇
白華遠去成青

草籛上誰開寒食烟

昔為肅肅雲中羽
今為塵塵風下車
官舍更誰憐卻鮓
杖頭仍自泣枯魚
半生已覺熊丸淡
隻字未酬畫荻書
膚髮不虧親所見
多馮香草祝歸予

感遇詩六章

簪筆開函北斗前
重華龍德兩元年
已從釋褐瞻星曙
更對祥琴炙日鮮
時事乘除猶血戰
聖人於穆自通元
興朝祇應才多少
領得虞書三五篇

新命自天天語申
一迴日出又精神
朝墜萬里驚銜燭
瑩拂當空失捧人
時雨將來雲吐綬
鳴條不動草安鱗
古今信史傳初政
勿向貞觀索等倫

同舍差肩濡墨時
每聞渙汗各掀眉
不知嶽瀆懸何鏡
盡見星

黃真乃集卷四十五
辰繫一絲鈞樂自然開廣野幽人無用獻微葵此閒抱膝難爲
臥夢得岡梧亦矢詩

未信黃虞得復逢果然干呂報曠曠誅凶一日平堯壘舉相當
時睠禹功才子看誰題季豹老人若箇不非熊能從尺五分鏤
管勝讀殘編萬卷中

正嘉勝事此孚繩禮樂當興誰與能已定人材如表影何疑物
議欲帷燈一聲鐘磬分丹鳥百道醍醐瀉凝冰去草不煩元子
嘆清時綱紀自來朋

水壤初平不買山樗材巢許故偷閒物情已嘆匡扶少天步未
將杖屨艱枯草合尊甘露雨洄波終過沃焦關報恩猶作外篇
義白日當頭照四寰

感舊詩六章

纔過六霜紀未巡當年心許半無人班行皓髮啼黃老津館郵
車卸白蘋寒鳥豈通蕘蕪竹林不記酒鑪春唯餘客作諸生

在多賦新宮寄所親

一作北

波頽往事各擎眉勿道符置永建時宿霧開餘親日躄疾風灑
後老松髭馬肝不託神仙餌虎汁猶教獵犬疑李杜朱程各已
矣後人未少前人師

有道尊身世所歡不知何以答高官史鱸生值遠公好孤竹栽
爲柳下難人比干鄒終一缺花當爛漫總須殘王陽草草看宏
石誤殺迂儒未掛冠

北印瞻顧此崔嵬五噫東行西復歸婢語屏人何足記雞啼蹴
舞與心違青牛不合將書漏白鶴自知作賦非欲學通儒升斗
素桔櫟終未領深機

自一作身

出門躡屐亦關年莫信行藏但偶然豈有諸賢皆誤死更從破
柱改危絃梓橦歲晚緘金櫃鼓院春深索紙錢堪笑河清鳳璽
見不畱今日寫如椽

如此漸儀往莫嗟蕭條劔佩且清華不驚餅肆來賓石省得文
姬過酒家高鼻已甘依北塞無須休欲擾南牙恰從百載開清
厯自在雲霞引象車

退閒遵永諸城收復志喜六章

溽暑滂流百艸禁吹簫嘯指有徽音三驅不誠明王事七德能
符天子心但說城池猶宛若難言山水自高深夜還鴻雁知多
少莫問于求各在林

烏啼烟老久難猜歎血初傳四道來殺運已除應得秦平原復
起合論才比陵風雨魂未集華表仙人語自哀所仗皇靈并卷

施蕭蕭班馬又銜杯

左輔屬車豈易塵巫閭雖老亦清神祇資踈勒三分福不用睢
陽半倍人魚盡空梁猶發筍燕回灌木自知春孤茶餘燼能揮
雨更賦無衣與臥薪

閉關健壯卻呼危冒雪犁庭合與誰纔見搔除如克敵定須衽
席始行師霸才不復踰孤竹上相何方制鮮卑珍重古人歌薄
伐先傳軫卹下瘡痍

橫金高蓋各尊生貼坐猶聞風鶴聲學勇豎儒搗白骨歌風猛
士賀空城平時儕伍輕樊噲有道誓章保孟明可嘆終年七百
萬坐爲 騎少將迎

援期幸未失良圖戎 侵居何代無內治自能消睥睨中流時
亦寶衣襦一杯天上尊桑土徑尺大庭失射弩秘策禁中鈔不

到高才何必問屠沽

寶一作保

浙闈公讌詩四章

選菊紉蘭芳事平銀河湖水倍分明人從月路來看鏡天裏潮
音與和笙一帶鴻瀛環竹箭並頭鳳嶺下銀罌香橈紺宇深深
處欲賦清思愧客卿

公餘風景偶開檐菡萏窺人出畫簾儘有蕙波供蕩漾依然鴻
序寫清巖籠中看鶴銷元夢院裏題詩寄酒帘恍惚猶從硃墨
過自懸名字照絲鍼

名賢佳勝幾人畱桂葉踈于舉子舟謝傅偶寒西嶺秀蘇公長
拂小堤柔廣陵八月無秋水錦嶂千春擁上游不識此身何所
繫亦隨牛斗命浮鷗

白露何能漲紫瀾祇爲鴻鵠拭開翰人材欲吐如雲岫心手難
憑視釣竿暫領日華隨影好舊從月膽灑身寒尙方八面圖王
會可有驪珠照夜看

實錄禮宴詩四章

九成合奏慶雲回禮何端門稽首來百代盤盂推頡誦千宗德
澤萃庚亥黑頭公享昇平樂皓髮人餘新標才何幸生逢神聖
日鏤銀管對紫霞杯

雲漢天爲作者儀虞華殷戊兩昭垂河山不動明清晏臣子何
能繪斧彝靜攝當年看北極綏豐終古誦和義祇今湛露分魚
藻猶是晞陽燕及時

五十緗亭瓊赭光十三宰輔亦芬芳再平東服如垂掌一顧西
陲不亂行天下金錢存老庫海隅筆楮有安床清尊今日偕同

舍疇昔譽髦安敢忘

細一作相

明光濡草數行中愧汗難霑班馬功大地烟霞抽寸莛彌天雷
雨動遺弓詞林職業輕於臬冊海波瀾老自雄祇仗禮臣能率
古桐椅蕭葦共薰風

在詞林既九載以實錄成得遷宮允猶未謝恩值舊輔錢
龍錫非罪下獄四顧廷臣無復言者中夜草疏排眾叫
閣并作小詩以別內子六章

當弦斷臂不須疑領得燈寒讀史時豈有重華誅稷禹尙容阿
閣臥龍夔半生未帶媚人草六籍難開無字碑此事祇馮天眼
到未愁七尺坐爲楸

最無當是捨空山今已身投虎豹關一飽將家吾豈敢四言作
誄爾仍嬾要離不入梁鴻傳鮪史難居柳下閒未是等倫休自
擬儻馮主聖得生還

途長景短合揮戈莫謂枯槁著手多世事俱從波裏墜此身況
在月中過百年親去鬢膚髮千古道存慰薜蘿試向上頭覘出
處吾能不與眾摩娑

薰炎烈處故徘徊 騎圍城造次來不謂冰蠶偏作繭安知火
浣未成灰出山人發逢梅願有道家無負戴哀寒暑著身猶著
箭何能折檻損風雷

行事何須慕古人古人亦有未嶙峋杜陵苦恨爲良友衛李愨
慙惜舊寅當日尙煩天子顧于今霍畏長官嘔儻愁骨血無歸
處焚取青烟照紫口

不自吾愚誰職愚瑠奴湯火尙模胡冠裳塗炭已如此僕伯將
輸安可呼人爲長貧知命賤官從青史失良圖推車莫作牛衣
嘆多少芳蘭慰女嬃

待命四十日凡再回話以詆毀曲庇幾坐重典而蒙恩薄
謹僅得調官再賦示內并答諸賀者六章

藁席將身已四旬果然天不侈癡臣清時小鳥催梧鳳上界飛
龍戢玉鱗漢世何須尊泣賈秦庭無用怪啼申親從霹靂推車
過又得滂沱自在春

方死方生誰可憐迴肌起骨亦安然直言豈為到頭事免侈仍
從造化權一劫燒荒隨草出千灘蹈險信帆懸勞人不得六時
飯半取笙歌付杜鵑

禮斗夜闌坐看雷若無此興不須來人為多難三分識花自經
霜一倍開灑血儻逢辛慶忌焚田長憶介之推相從別作於陵
老未斷空山千日齋

便賜首陽亦未癯慙為縱鳥失開筴灑然自識明天子悻爾難

隨小丈夫半部史書齊唱難一行戲具任提呼椒山鬼哭今知

免自扮窪頭對白蘇

縱一作眾
頭一作顏

令名壽考已難兼況不為名為死嫌傭力取錢宜最少投崖得
路雅能廉裹將一飯酬朝宁賦得無魚弔釜鬻現是草茅成就
處星辰白日照窮簷

典衣覆米昔盤餐豈意拋生尙得官出世祇容成一事化人何
必愛雙翰盤空魚鳥身仍穩到海江河意自寒扶病叩頭成禮
畢閉門叠弄兩僚丸

處分後十餘日仍賜金幣以實錄故敘勞在前欲辭不可
感而有作六章

白銀文綺織絲蕃有隕自天天不言藏史已從焚藁本孤臣何
以得温存夢中簫管驚朱鷺仗外星辰動素鸚恍惚鈔書太乙

夜居然藜火又當軒

孤一作辜

生還恩外更垂慈舍命灰身安敢辭臣子蓄危皆自取上天雷雨不會私松枝墜崖涵烟液花靨當空掛藕絲便是尋常思未到團團羽扇得非夷

英雲澹露各相關不在當時環玦閒白骨投生猶搗藥孤兒得果尚開顏桃花水記漁人棹桂樹香畱明月山無限恩波沉載者腐儒獨此憶嫵爛

蒼茫拂雨虹霓斜開眼何妨認彩霞愧有空言橫寸草更無警氣謝啼蛙長貧豈識天孫縷老死及看瓊樹花記得題名頒鈔日此身已不屬私家

初離斧鑕有華旌此事便甘九死輕縱不容人更借劍已知斥馬得安鳴平津當日憐長孺腐史暮年羨賈生自是小臣猶遇士一行彤管浪垂名
無才有命得徘徊直跨少陵司馬來樸訥生非游說口迂疎知免要人猜不資張鎬猶能活便答任安未到哀徑寸葭蘆燒已燼又逢玉律欲飛灰

別臨安二三子三章

燕燕衝泥春水橫相從一日未忘情農山意興且休道胥海風濤各自清度世飛梁容鳥到看人埋照入花明龍華舊會玉夫子無復新書告友生

細塵泥雪馬蹄中言笑雖疏亦國風開卷挑燈相見久穿雲出鵠此心同故園松響仙霞迴別島琴聲江水通道遠不之之莫曉勞將此語問興公

尼山死後失朋徒莫以交加溷漢儒剖璞豈須人泣血逢時偶

似客呼盧銀河出海心方淡碧嘯穿雲色自孤吾道劣衰無足
問慇懃寄笑或工竿

謝東吳諸友問業三章

賓鴻鳴鶴各分風祇在月明蘆葦中海樹更無栽種法宮花別
有浣澆功人當絕粒談何用鬼到金身法自雄多謝諸賢千古
意漫從草裏禮崆峒

蓬頭落帽引長鑱不帶穿絲乞巧銜織女當寒常跂足金人坐
久欲開緘江中鳥跡隨嫩草谷口松香搏老杉就領五湖無缺
事先題詩句落長帆領一作令
先一作失

飛沉不用擬鳧鷖心是木蘭身是舟無數波濤欺軟手極多風
雨送安流少年臥作青雲夢老子行逢白葛秋忽憶吳江聲蹟
好無人控送在前頭

答蔣若椰王覺斯各有詩見慰四章

島居不識奧堂深鐵遂浪參鐘磬音涕泣勸人收箭鏃迂迷躡
水出江濤看無屈曲琉璃障畏有淒涼霜露侵自是觀生難得
透未隨魚鳥共高深寄蔣

濟事應須宏忍人不甘聾啞總傷神時賢自信坎中血遁子空
枯雲外身花饌依然憐藻采劔炊久矣失鱸尊洋洋河水明如
鏡合共阿誰拂釣綸寄蔣

側岸危途見白日斷帆吾道正中流何堪睨柱還雙壁自是量
才過一邱洗耳天高巢父徑文身江濶越人舟已償油素當年
願別領浮槎方外洲用王韻

野吹未驚鷓鷯班長松小草各分攀臣心不較市前水旅夢自
依江上山錦段夙歸良友好羊裘今縱狂奴閒餘生合出驪龍

領不爲微官苦犯顏

用王韻

陳明卿許仲嘉各先後出都雜用寄別四章

魚蒲龍節主恩同別有大人問國風故事詞林唯偃仰今誰賦
草共幽通一行雁篆襄天漢半榻皋比澹帝宮自是委蛇如退
食隨方看任五雲中

虎觀文昌共貫槎點鞭指道卽皇華先朝日月焚丹草新意春
秋出絳紗自挽文河環桂樹閒從秋水誦兼葭心知報主幾人
在盡道青雲養白麻

雲鷺玉鵬春復春琴官釵史各香荀隨方合奏自然曲得法釀
花不壞身傳裏研硃存正史夢中懷草想通人明年便買長安
宅沉李浮瓜憶所親

翱翔莫亦睠池籠遠近看人意自雄摘送芙蓉隨好手閒分簫

筦任長風故園盡比臨邛道羈客如被蠶室中不是聖明不敢
見何期更共數歸鴻

賦得攬察草木猶未得七章靈均云攬察草木其猶未得

兮何理美之能當

別識根林亦苦難況離心臭共盤攢一行葦藿分千種數尺篔
蒼得幾竿湘女北來傷化橘匱公西去失游蘭大荒經首今多
誤莫借岐黃本草看

謾說方書物色乖聖門爾雅已難諧不因龍駁思予美空向邛

唐託所懷松嶽久刊五品爵楷場猶築十圍齋青雲處處遺芳

杜顛倒勞人註艾緇

刊一作和

煎焚紉佩信分曹總不緣人鼻眼勞樂苑自生玫瑰樹緩山非
借紺緹桃化牛精液淪空谷卻麝芬芳委步皋夾道若垂醒醉

草花天應爲解醜醜

懸多束脯爲青蒲不獨蛇床類靡蕪幻出鳳芝成鬼目合疑龍
腦屬椒塗尙方饒作牡丹本南國遙聞雞舌孤閒煞山中老桂
樹淋漓紫實共樵蘇

春風細細別條蘇春眼不如春卉柔朝槿奪將松翠去木魚羸
與竹筠愁艾絲掛室愁新婦薤本連畦字小侯莫問佩囊九十
種百年誰復別薰蕕

塵途芳穢已全非不著芥腥但蕨薇梅雨自隨黃雀過菊花猶
趁鯉魚肥棄蔬鮑子來涓水買藥桐君下釣磯喫得蒲葅吾亦
老羞將夕色弄朝暉

枝節分明寫內能世人空復覓滄澗穿將水網膠鳧目擁得曇
花落鬼燈桃黍自應親俎豆珊瑚不合上魚膾馮誰別出芝光

劍劈去千年未斷藤

賦得不及古人玩芳草七章靈均云惜吾不及古之人兮

吾誰與玩此芳草

古人去久古難摸不見古人芳草圖堯世表階餘月蕝義庭羅
席爲星蒲升中薌氣蕭初合入貢珍包橘未枯此道祇今人已
賤蒼茫蘭陸屬鷗鳧

亦是然犀辟惡心豈教芬馥失知音草從未俗諧歌舞爲多
機識咒禁叱佞當年推屈軼分香今日重囊金甯封已死松烟
冷處處空山霜露侵

七聖崆峒服餌殊芝英傳自出黃盧早知降種來靈天不識燧
巢上有無帶索丈人閒適野文身昆弟晚歸吳獨拈桂子看明
月莫擬龍蛇頰下珠

若果琪花不浪擲爲誰獨立欲傷神莫愁廣漢無游女何處西
方失美人撩亂霞光蘇病肺畔牢玉液攪香塵焚將灰線還元
始別與媧皇覆髻唇

卻曲迷陽塞四藩今知誰是古芳蓀蟾烏不識生前事鬱結徒
傷天上魂鄭國名賢懷露草窮桑帝子贈靈鶴芳辰攬鏡臨丹
管似有媚心未敢論

重華瓊圃幾時荒但在橫湘水一方黃竹歌成人已別赤松歸
後夢難忘悔將梧實飼凡鳥鏟卻杜蘅對吉量忽憶結繩生亦
好華蟲苻藻自文章

無限雕欄檀版牢極天風雨捲花濤騰蛇不解畱鱗鬣孔鵝終
當惜羽毛何計千年搜碧藕幾人白髮見蟠桃范方陸疏能多
少空對家人舞畫橈

小解網六章

庚午臈月二十六日乙夜矣始聞毛羽健等三御史得
出囹圄時余救錢輔再疏尚未下喜與懼并聊誌以詩
丹露皓霜亦有神每於摧折見殊仁判疽慈母時傷手鑿臂良
醫不爲身苑鹿何須動設阱盆魚無事數驚緝回陽玉管誰能
測一夜先寒已放春

訂謨猶是昔疆場金矢何繇得慶祥良馬不從濁水秣驚駘亦
有散芻方道從瘠雁生無用人採枯薇死未妨但謂聖明懸慧
照果然祝網見開荒

三省何圖得灑灰一隅人自泣風雷赭衣已被皂囊誤白澤猶
銜龍角哀不謂法官詳故牘偶然鈐罰動西臺蒲根去去生螢
火曾向堯廷叱戶來

直道未衰天聽重勿疑民欲有天從初生馬角蒙於牘垂白烏
頭老似松臣子何能辭草薊朝家合自念菲葑路人尚識三御
史合掌青雲爲動容

園土金閨平等時惠風安得遍和吹積薪暫退後來火解箠徐
開未上枝斧鑕邊庭空繞指冠紳輦轂尚燃眉應知九五殷憂
處不獨民窮繫所思

遠邇柔能達者圖何時唱嘆爲都俞四郊鬼哭猶多壘三載蘭
魂尚未蘇豈有赭鞭通玉戚何當春薺變秋荼鐙前看報成歌
舞更說神宗涕欲枯

大解綱六章

辛未伏月十三日始釋舊輔錢龍錫先是四月十八日
釋張司空鳳翔易總憲應昌等皆以禱雨故

下車久矣泣遺文何處歡呼動地聞甲拆人傳螻螻雨憤盈天
布鷓鴣雲千山結竦雷猶伏一日回颺草自薰試何午門看木
鳳土龍泥鶴已氤氳

誼辟何嘗賤鼎彝文犧自合有災龜投艱諸老知無死解澤神
工幸及時火井不隨水泮渙情田尚有鳥耘犁依稀睹得虞廷
面特地山開五色芝

慈龍領下解陰靈灼豕拘蛇枉自任貫械不須弟子力擣椒空
寄大臣心浮雲隙處天開眼毒霧消時山貢琛此事豈緣疏淪
到尋常苦井得甘霖

蛸蟻今盡跂洪濛無數歡騰雷雨中裏面能存杜太尉梁家合
識王司空巨魚脫餌猶圖報殘鳥歸林尚遶籠早識皇波終不
滯未驚皓首問殤宮

撈雲白日此青回莫訴從頭溝水來人自出山渾是過天如賒
死亦憐才親朋贈策四郊迴妻子挑燈中夜哀盡說殘生無所
負烟膏露液不須猜
深爲殄瘁慶人存不向諸臣七尺論雉兔爰離均有命露霜辛
楚各霑恩雷將風教還書史保得融和護化原從此卵胎看不
害鳳麟取次下郊軒

臨雍詩六章

稽古堯廷元始功生安學自與天通不將文貌依樽俎會得精
神領祀戎千古園橋成禮殿于今講室便齋宮龍鸞宛轉連魚
藻盡在卿雲五色中

文治端詳三百年幾回唱嘆爲朱絃太平芹草依明袞盛世臬
比動曲旃耀魄星當北斗巨日華光與泰山連人生選事逢於
樂勝託徵儒歌沛前

桓桓雅雅各書詩道柄張於十萬師訪物不談龍罔象總干饒
有虎熊罷金華殿語新絲竹石鼓星文舊羽儀輓近風雲存此
格依然錫範拜丹時

璧水明堂合禮成素師元后共寅清自從指掌知經典不向崆
峒說弟兄遠駕昔存交趾館上庠今少高麗生綠圖赤誦誰能
似無數儒臣憶五更

劔履惠風百草薰何朝興主不興文朱櫺日影丹砂簾玉几霞
光琥珀紋茶坐詞林推五品周旋左史誦三墳曾經天啓中年
事夾陛弓刀龍虎軍

鳳至河清會有神于今經壁得安鄰銷將秦火開黃玉貌得羲
圖坐素麟簫管逢時風肆好冠裳發采日深春分明鼎足承天

語百道共香裊紫宸

步禱詩六章

盡說爲霖重有商雩壇今又典於湯冒宗故事藏成史神祖步趨信耿光未勅龜蛇修鯨命先教火鳥避龍驤布袍卉屨青芒屨納得千秋雲漢涼

十日齋居天聽懸旁皇卻輦爲民前已從蛛網軒三面不待薰風播五絃渙汗欲開大麓色灑塵眞拂白榆烟從官奔走心如水暫當伊虺未偶然

誰從涓滴決江河蛇磬其如鳳羽何結轡風雷應軼蕩鈍頑嶽瀆與礧磨蒸炎知出完心外橐籥仍歸造化多人事賢於巫祝遠四郊今日已喧歌

當宁呼雲看油特爲仁覆起幽求煮桃初發梅桑雨鳴鴟未辜梁黍秋縱閉陰陽稽典令滌除中表奉神休皂膏亦有焦勞處悉索元脂入夜愁

七年六事古難圖聖則今爲百世模北陸融風猶當旱回生靡草不教枯迎鉤黃粉芽靈藥啓路青鞋重絳趺此道不從書史得漢唐帝子幾人俱

六月無霜霜早消皇波早已到凌歊川雲欲吐初鳴鶴浮磬垂滋已上潮聖慮多從人意表天心不使物情邀微臣尺五看河漢祇誦清風隔紫霄

正六事詩八章

辛未夏中以早求言條責臣鄰俾循職業病辜覲詔愧感交集慚無以應聊誌殷年

一代求言幾詔書不逢興主不牽裾天因焚玉開張仲人以藏

琴貴史魚水禁能將時雨誤川防合爲出雲疏極多父老來攜
杖欲聽昌言拜禹餘

袞職庭謨事事嘉祇多邊閫負皇華穴中鳥鼠欣晴晝塞下流
移斷火畚卒伍依然憑尺籍儲胥今已盡泥沙吮瘡將士能擇
肉散得醇醪到幾家

肅父誰能定雨暘斯民未盡變猖狂官因獵得能無害賦以徵
多合取償小暑前猶存酷吏三星今自照祥羊繡衣使者傾山
岳未報隨車各一方

聖世苞苴雅自彈餓麟豈復問饕餮良臣報主惟留骨高士無
家何必官穀屋隨人應有命俸薪隔歲未全殫怪將紙尾尋常
事掃得屏翳不忍看

莫從舉劾滯雲雷好惡亦從星宿來朱鳥餌蝗何足怪青霜破
暑爲誰哀盤螭托柱能潤礎石燕銜風別上臺十五諸侯閒述
職不教倬彼自昭回

簪筆夕郎亦有權威蕤靈瑣與天連不隨仗馬鳴嘶去忍對毒
龍目在眠一語千春停袞鉞無言白日悟淵涓不知多少波濤
事礙卻雲霓慰倒懸

關中荒久塞民勞南料頻多召買囂睿照能知鼠雀壯雲根未
洗犬羊臊莫將征旆停整纒不以降 累馬曹天意丁甯從此
極無方靈霽下神皋

灾旱多爲臣庶尤已聞此說自春秋岱宗膚寸銷雲雨緞虺中
宵訴斗牛紫極何關噓喻事句陳不作滂沱愁洛陽劉傅今安
在十二條頌昔上頭

別六事詩八章

殷年去遠時事難陳
韜鐸之餘兼防借說
別成六則以應前篇
非有闕遺告哀云爾

滌苛故事滿桑林
尚有監門未繪心
圭璧難邀上帝聽
脩曉空矢小臣音
池泉耐可消星渴
漿酒何當託斗斟
因事借題人豈敢
現逢焦溺共開襟

歷戍營屯久未平
催科何以報激清
書生祇識宏羊傳
義從空懷牧豕情
天上龍師資勺水
海中鯤背集微鱗
十年加派今如許
那得銀河一滴傾

迂得成康刑措陳
貞觀故事已難倫
敢教狂狴蒙龍藻
亦使神明惜鬼薪
察相何須知庶獄
弛徒或亦有能人
仰看貫索如龜竇
莫以爰書閱縉紳

周道夷清芳草菲
都人今亦嘆行歸
猗蘭自昔勤招隱
糾屢於今勸息機
生世合償車馬債
軍需未割犬羊肥
北山士子馮誰念
剩得雲霓覆蕨薇

四門視聽各明良
卻以續旒節近光
誓御何能皆選吉
省郎猶自貴含香
扈民鳩雉看無害
攫肉烏鷄詎有方
皂衣緝事人如織
會使商羊不敢翔

宣武城南章義秋
春風初不到車籌
已從冠蓋征譏遍
別結士民負戴愁
日月自天差鴻雁
江河入海滯鯁鱸
九閩節次成萬里
安得湛波湧地浮

霹靂權分陽瘴時
西園華蓋正披離
乍驚輦轂來雷軫
又報豐霽誤雨師
二至火中猶講火
八風箕上更揚箕
擬將火政停旬日
保得甘霖坐應期

青編猶及想宏治
華髮能談萬劫開
網漏應知江海濶
弓囊長

使春風閒鳴條時折秋前草槎檠未傾雨後山何意蘊隆當盛
世不關天子不焦顏

園丘詩六章

熊魂寶氣鬱_元穹百世天崇一祖功日月波清還古宇炎羲授
運下禋宮人從腥血歌衣食道向渾沌度化工興主滌除能配
命黼裘心自與天通
無爲端的體樞輪碧落黃墟護紫宸自是懽心聯穆色居然四
海奉仁人氣氤律透層霄暖冰雪芽回萬物春是處蒼生渾一
本不徒精意託臣鄰
環壁齋居澹太清鈞天樂細不聞聲玉烟宛轉參旂直田燎輝
煌雲漢明別有風雷涵教誅可無溫煦答句萌一心平格誰能
似自億殷咸說迓衡

澤宮誓戒古殷勤至德從容式所聞分獻上公通要渺扈階庶
士想氤氳蕭光寫出岱嵩色玉氣銷將江海氛近三百年十五
祀禮臣搜討少遺文

雪霽龍旂注斗杓斗閒初不動招搖尋常侍史分天乙結束威
神出左貂九五仁風遲幾日百年大禮肅崇朝莫窮類禡何年
典干羽終須格有苗

一握上頭九萬闍聖人綯寫自崑崙平開禮殿通_元極更向明
堂讚至尊格外搗謙成道岸直前洞朗見天門慙將章疏當糞
酒不識_元微不著言

方澤詩六章

_元冥黃媪古龍文一代精禋自典墳非爲瑤池申曲宴不關寶
鼎問河汾人星馬立參初上馬政齊頒火始殷聖德無疆崇物

報別將合殿起繽紛

咸秩無文聖所師至人不爲古存疑坤元乘坎歸藏易方社祈
年雲漢詩九變英咸通大呂六成鐘管下靈祇百年積德逢今
日地道蒲盧又一時

欲開百蜡引神功鳴屢良蠅各惠風嶽瀆已曾環赤社尊親更
爲酌幽通豈因太皞圖華渚別傲姜嫄問血宮書史但存芳意
在休時何典不寵從

和德無私萬寶壺太元先自有真形極南極北通忠緯天雨天
風識孝經鼉足何須煩斧鉞康回空欲倒巖溟不信乾坤同意
象升中四望一青青

天洗山河別吐苞斯民幸得免營巢重開疏乞五雲紀不用江
淮三春茅玉帶公孫推土德水精帝子辨坤爻殷勤申戒冰霜

事更使後王重北郊

皇明內德古難儕莫向荒唐說帝媧雲物自然歸實跡澤山長
爲表虛懷疏將禹力存溝洫繪出堯心寄土堦擊壤生人隨蟻
蟻考槃吾亦託天涯

朝日詩六章

中宗禮樂古維新一百八年今復陳聖主中和能建極舊章綱
紀自存人洗天風雨春星斗動地干簫肅鬼神旦旦光華能比
德五雲賓御白千春

灑道清霄雪色霏纔張黃幄已光輝若華迎輦開千樹畫羽當
風拂太微麥穗尾分孔雀細杏花眼倩紫驕肥諸臣奔走心中
事箇箇湯銘頌式圍

紅雲細芻看分明井幹琉璃雪乍晴有道人如初上日無爲風

比日和笙迎陽梧竹皆媚靜媚主鳳鸞不浪鳴此處泰交情易

達朝家鉅典重嚴清

作自

奉常宗伯各春風祇狂大明集禮中嘉靖人材不易得夏張諸
子尙難逢天心自脫雲雷樣化柄時資雷雨功水涸冰寒今已
過看誰別爲寫冲融

長馭何妨暫委遲輕颺不動爨龍旂吹律滿青雲度濟哲祥
開元烏知百穀成非一日澤祝鳩生爲五官師漢唐近事誰能
憶勸相勞民蠲助時

尺五丹壇泰岱齊不煩玉簡舊封題長年物睹朱輪淨萬國人
瞻聖敬躋龍燭自成出海炬臣心未到通天扉東方初奏昇平
樂處處春疇惜馬蹄

夕月詩六章

迎長配主事渾成別向幽宗禮夜明平秩自循和仲業悅更
致古人情參星轉拂龍旂靜萬寶序歸玉輅清漸剝棗瓜廬舍
好皇仁於此重先庚

八能秋亦寫氛祥十一月筭靈鏡光元德西方來玉瑄神明右
个集齋房當屏陰德星星見案戶銀河拂拂涼記得羽林扈從
者大刀鷗箭凜於霜

翠旄紫纛舊從龍十萬京宙俱國容輦過風芬纏細草禮旋月
影在高松非教秋伯歌苓苾不用昧時製景鐘莫賦廣成稱較
獵洽文無事講從戎

珖弓鎖甲錦雕獬虎鷹頭山子腰警鴛自環神爵殿常儀高
唱古雲韶大風吹垢占新夢白月當空散晚朝彌望四郊禾黍
熟微臣何以貢芻蕘

頻年宵旰幾憂懸西顧關河尚慨然莫羨諒知白露過鷹隼長
在素雲前未頒柘火來湯沐不放鹿人上野田雷塞近傳消息
好雁鴻飛處盡安邊

干羽旁皇太古初青編今已不勝書眉天律度成簫管振古英
雲照佩裾袞職知無一縷闕評臣空返百行疎周南畱滯傷司
馬問禮當年失起予

何桐城相公以病懇得去伏枕寄送六章

昌期側席注名賢有道翩然讓化權不動觚稜隨斗柄畱多精
采照璣璿已經霖雨洗天後自領卿雲復且前伸詘龍蛇雙手
在教人通體悟韋編

年來碩輔幾從容欣見遵鴻秋意濃自有畫衣能舞羽非關別
野念眠龍新開疏帳歌朱鷺舊憶堯師字赤松皖上風雲高不

極分明天外寫三峯

鹽梅今盡媿阿衡蕃錫獨隆見聖明曳踵不煩天子問障塵聊
託古人情傷心已解同文館舉眼誰支仗義城舊日藥囊何所
效更無風度似先生

義馭方中憂始殷應知良宰爲分瘵一言悟主千秋盡兩足投
尊白日閒銀漢安流猶退轉旂常輕卷自斑斕祇今魚鳥依空
濶遙禮公家大小山

積雪迴飈得幾時秋風筆策又橫吹七年開落籬閒草十道趨
先市上基名教合資長者力光華祇看後人詩素餐釀寇馮誰
好祝與高才得便宜

跋胡寬尾古難言明哲今爲第一倫索馬趣歸鄭閣老汨牀闕
地遠公孫時清山院多鳴鳥晝永林巒有定猿人事閱多看已

淡留將終始答君恩

錢會稽相公甫兩疏輒先桐城而去不及寄送有作並懷

韓蒲州及諸先輩六章

舟楫風波那得平迴身插羽自知輕人從絕頂看來徑道向飛
梁度太清世事偶隨蝸角鬧天心還與月華明西山寂歷無鳴
鳥歸聽江湖撼暮城

平成干戚雨苔滋儘有臬由同致時政府到頭能已見名流將
盡惜何爲中筵搏火馮誰在日暮催鞭縱所之王馬李牛俱有
韻來人空誦出師詩

醴設惇庸雅未除達人已自解權輿世閒決鏑難多洞畹外芳
蘭但任鋤一指合知全鼎味後綸應棄前頭魚經過往事成行
轍莫怪書生坐讀書

秦晉幽青勿復談便宜生與鶴同龕射鵰豈藉承蜩手搏兔因
輸 虎擔文士何曾妨折屐能人空爾佐投鏃浮雲去住看無
礙廝養了頭各老僊

陰晴世上兔鬚花前後輩中龍骨車一葉自推一葉去幾行能
撐幾行斜局中著子勞仙隸棚外抽絲費老家欲向明山開四
目不愁上有痼烟霞

殷盤五若已難求勇退於今卽上流再出高陽徒涕淚重來蒲
坂自撻愁傷心二正龍蛇會極目千山驟騎秋十數年來塵土
裏無人更說南昌劉

秋懷十章

葡萄雨過碧雲溥茉莉香侵江水寒故國園開荔子會道人家
創竹皮冠呼鷹臺就分魚鱠弄笛岸平下釣竿欲聳兩肩從越

鳥澣衣輕不比雙翰

強盟鷗鷺那成羣
拋下書荒付鳥耘
自合參牛安白石
浪題諫草惱青雲
牽絲餘興罇前絕
閉戶新波枕上聞
髀肉久生須髮盡
不知豹鼠誤終軍

明河寶劍杳難尋
直坐雙星當戶臨
桂樹看將北斗遠
碧山幽與白榆深
不應抱膝來燕市
況敢狂歌和楚音
十里芙蓉一夜老
依然窗几舊悲吟

黯然未別已銷魂
準避君侯省鑿垣
孔雀何知牛有角
麒麟亦畏馬能言
風塵散盡書三篋
賓客荒多酒一罇
自嘆長卿游倦日
無人更爲賦長門

勞人擔得幾時閒
繡鈹花多斲何頑
日道圍天連遠海
鳥聲遶野罩空山
注無一策追元始
坐有虛名點兩寰
笨鈍青牛眞烝

滯終年負輓在函關

頌一作顏

雲削茅茨刺白蘋
清宵怪有夜行人
烏鷄自攫亭中肉
鷺鶴未分林外身
仙籍到天猶糾絆
兵戈從古已蚩塵
文心合出漆園下
況保微官溷列眞

眼明萬里破秋毫
埋照應憐屢照勞
自領涼風尊綈紵
不知天下細錐刀
烟消禁籞銀燈落
雨洗城闌碧漢高
拋卻一身成垢海
看人亂壑射狂濤

鷹沉鷗俊日相捩
別有孤雲未可降
病去天心凋繡補
愁生赤羽斷封椿
萬方涕淚成窮巷
一夜論思罷雪窗
笑殺人嘲中不允
馮誰看作老無雙

菰蘆時分水蛙庭
腐草分飛亦厭翎
人爲簪裾焚瑣骨
天因風信動寒星
松心攝盡花鬚老
柳眼投將鳥喙青
浩蕩乾坤何結

作千山雷雨一孤亭

春夏離官秋不歸
遯初魚鳥未嘉肥
千錢石米支民舍
百幅圖書媚布衣
嬾向金門翻小隱
忍聽玉漏下柴扉
少年苦恨今成慣
未敢偷陰坐息機

宜緇族兄還因書寄匪石家兄先有書至以上疏得

去官爲喜十二章

採杞當年共隱蓬
私心豈欲叫穹窿
來從淺水逢投網
去憶深谿值伐弓
折足何曾銷素絛
落毛猶未損真鴻
畱將骨血還邱隴
小宛於今亦大風

蓬瀛聚窟各分腥
悔何人間寫道經
無復辭家隨逸仲
更誰築室與龜齡
一函丹鼎新投藥
百尺青崖舊勒銘
不到寶山林百寶
安知赤手自傳停

穿廬竹徑半畦箕
五十無家親所知
不喜近名存瓦屋
何殊石隱坐茅茨
寰中眼窄憐孤獨
法外風高賤羽儀
長向累人徒破產
早甘酌水共分飢

擬得鳴琴遂破琴
終年纏束此難禁
蛇烟委蛻空投蛻
鴉雨翩飛未變音
暮草何知荅宰事
海人徒負竹筠心
北堂若在應能忍
擲地銀魚護老瘖

鬢童鼓笈昔生徒
艾髮於今對白鬚
骨相看人唯老似
肝腸照世與親殊
頑癡祇合依庭樹
閒暇何因止坐隅
負郭內田無足問
幾株柏栝共榮枯

漆田筆耨久難平
式穀何緣報九京
早識緡絲從荏苒
梁其如懸溜自磴
砢丹砂道遠辭句
令美醞情疏讓步
兵夢裏雙親常負
痛鹿場甯可別經營

何期桑海不飛塵生下蕭疏未破貧幾度輪蹄成竹馬一行胸
背負金人史遽世道同舒卷禽慶家風共隱淪末俗祗爭長姓
字合爭隻字與于春

散才鳴雁兩紛如有命自酬少日書不啜殘羹環竈下尙扶遺
體傲王餘弓裘若狂應貽厥禮樂未衰合起予人共棄時看我
取騰騰簫鼓送鄉閭

舟車奔沛失□印不謂夷尼不鎮容祿枉已難歸石養官肥何
處擁雲封將狂作愿人無似捨道爲名我亦瀟除卻炭工能掩
口尙傳清嘯下危松

五年土室已安瀾強爲清明一整冠開眼依然逢宿霧濟川空
自坐迴灘誤將銀榜懸鞞鐸浪使石渠怪釣竿出處未能關氣
數偶聞鹿豕要盤桓

休疑時令歛瓜華少賤長貧亦世家已臥馬蠶應吐爾失羣蜂
蟻不當衙中筵客散生餘興白日燈殘見暮花莫嘆諸親誰舉
火秋風何處損葦葭

匡牀屋漏數徘徊虎兕疑人作過來五十知非生已老半千遭
主世多才幸無原隰收清淚尙有巾車舉濁杯盛世殉名非好
事知兄寬譬不勝哀

前九章

義馭當天天正長枕繩寢矩未方攘平成蛇豕初歸澤諧舞麟
鸞乍亂行北極由來看不動終風何意語難詳低回出覩當年
事荒說宣元漢未央

檣材且勿嘆權輿三九難攀捧日車儘有道謀紛卜築休將國
卹罪儒書催科終日勞當戶皤灌長年詠出居不信園風追不

上黃農步驟但虛徐

昆臺新燕百神齊豈有專車隔拜稽四海依然環劍佩萬方猶
自慰雲霓不因鳥獸驚簫管未使旂常化鼓聲聖主仍寬共鯨
試何愁圭瓚負餘黎

層崖邃壑閒幽篁不問方中日道長疴疥自應誅史固旱暘已
合蕪巫尪潮青蛟客能吹浪天赤蛇醫欲雨霜淵膝高深何足
較祇馮俯仰未蒼黃

奔牛突豕亦虛舟愁見彌天網目浮河伯豈耽瓊玉佩里人非
寶鷓鴣裘幾番烈火□空澤百尺黏竿掛曲鉤兔免野田今已
盡可能一問豺狼不

飛牙擇肉不辭癯敢向威神料虎鬚有命市中承殼弩無才壇
下祝投壺秋高曠野行非兕日落高樓墜腐離人事祇成六博
勢看誰隔舍助謹呼

正月南山誦不平古人諷刺忒分明縑鷹臂上輕凡鳥列鼎庭
中澹太羹看世無才緣早貴逢時多難屬前生飄搖菓子能無
害莫向華堂別指楹

疆場孔棘幾時無浪使中庭事事殊屑鐵劍頭勞斬馬飛塵屋
角動瞻烏二東杼軸行應盡九塞軍儲莽自呼碌碌抱關何不
可龜腸寸嘔爲誰枯

鴻弋魚鱗天地陳冠裳何處有完人偶因邊計焚青草盡爲秋
風掃白蘋禮樂於今歸獺祭江湖白日長狸神男兒鍊石心安
在空踏吳歌洛水濱

後九章

重開雲漢古難雙自領絺衣繡萬邦烈手不須慙莠草勞人何

必共憂澤盤盂他日傳沮誦歌舞方今說帝江衮職分明無一
闕馮誰裁剪到純龐

戾已文成古所箴洪濛反質合從今驟看丹漆來強諫自覺繁
絃直破琴鸞鳥欲師雙鷺翮山龍更護素雲心人傳漢網多空
濶玉露猶然累竹林

清時汎濫足安流六鷁開頭自退舟意外俎壺翻劔楯夢中花
錦奉貔貅看無清麀來負鼎惜得皮毛共反裘抵壁投珠人不
會空持隻語闕千秋案舊刻詩
州缺此意

火見焚山山已焚火中寒暑未平分人材合化狐烏盡時事豈
因圖史紛不遣離朱摸赤水誰從邾子問青雲燒將骨血成香
草禮取渾元太素文

飾羽畫干春事繁一拚落翮自風幡南山種豆難歌詠暖谷生

瓜廢討論寶玉頻煩陰不佞僂句常誑魯臧孫相逢袋口非爲

訥畏作哀時大小言哀一作哀

迂庸自合保乖崖程鄭何由問降階得失寸心明夜火開除些
事隔雲霾看人蕉鹿渾歸夢罪我春秋亦散懷何處蕨薇餐不
得早年書卜已生涯

好文絳灌老周旋每拜昌言萬歲前此道不從陽朔斷時人莫
比董公賢據鞍非必慙幡首秉燭應須謝少年千古鮑朝成語
識莫從真宰乞安全

此此簸簸雨中草挺挺局局雲外旌車後子皮成既醉軒前長
頸總善鳴二陵風雨淹鵝鸛百郡江河漑鼎鑪中食何須再三
歎春風原不遍人情

拔地癡心老益癡鬼彈蜮矢澹於絲漸移邱壑人難悟突至風

黃渾洞集卷之五十一
雷天不知赤手搏蛟甘損目遶臺戰電合燃眉記得高堂罇酒
會亦有歡啼自在時

前嘉命辭為前宗伯八章

澤畔勞人亦賦招何知芳草久為蕭人間捷徑爭飛鳥坐上春
風山鳥鷓苦向鮫魃陳禮樂更無羹錦贖芻蕘洞庭木葉波如
此空說當年藉桂椒

委樸內疏我自知誰占兩美共要之江神舊愛婆娑舞越女新
輕窈窕詩菹醢前修吾亦願非疑庸態爾奚為重華蒼墓含微

莞顛倒衣裳料繡絺一作暮

弭節沉思罪過重樛材更不理先容看無靈瑣通瑤圃別有盤
蛇上蟻封貫死場中輕夾胆追生鏃裏誤開胸清時雲霧翻誰
手處處安潭見毒龍

習聞恩淺與媒勞莫信鴛鴦言語嘈叔豹冠裳皆已弊鄢師營
杆為誰豪衡流不合揚魚尾異物何須覓鳳毛怪得湘君成如
女教人白日問江皋

羶途安禁不垂涎天下書生亦可憐襄楷何曾違象教馬融空
自殺時賢屑金翡翠來青鳥破蠚絲筐噪暮蟬中夜躊躇能四
顧為誰投刃為誰前

分明天子未誅文自向文壇築破軍卷舌道中穿日月揚糠箕
上播風雲槩將劔槩收清嘯縱得鷹鷂掃練裙但道申韓書可
省申韓心手未曾聞

千年韋漆各迂儒正則空多一左徒有意修名名已誤尚含異
采采難圖碑陰莫較楊從事瓶水任招孔大夫不作文人何不
可蛇神更畏古人愚

倉鼠高遨廁鼠忙可憐荀李不成行焚書未必畱秦史驅鬼何
須誦赤章摺折故人猶有相顧領公子自無旁偶翻楚語成悲
涕不憶長沙卽楚鄉

後嘉命辭爲後宗伯八章

看人枉策已淒涼黃棘更多枉策長一隼自經楷集後百羅猶
作艾如張夜行飲羽頻疑石夢裏嘗鼃盡煮桑此餌垂天何所
釣奉將七尺爲鱗魴
逐逐耽耽毋乃迷豢龍似不用烹雞雞尸厯鼎成焦火龍性槃
空尙隱霓燒尾一錢猶有數刳腸終日願依泥後生心眼清於
水未敢傍人取突梯

不信瑤臺亦縱橫自鋤瑤草養三彭教將玉律師猿嘯別取疏
麻付虎耕老至應知真級重官高合覺古人輕華山道士小旋

去笑殺夜闌賦石鏑

獵人肥已古人違況復獵人供不肥五鹿何曾乖夙望朋龍空
自轉新機永波十里能吞象熱興重來合捲圍正在君時無足
怪霜高木落與誰歸

桑榆風急信騰騫十道橫趨箭上弦自見暮烟勤著馬不知覆
箕亦催輶邾人已放叔孫媧北海仍追戲子然鷓鴣高麗相對
舞分明寫影在燈前

當筵搏黍亂鬚髻各自呼雷各造冰搏兔何消獅子力鋸人須
用版頭繩落毛已萃蘋中鳥橫網更加木上層出水振衣聊一
祭不知鄉里賤孫登

蠹樹應招啄木來何辭鳥雀共喧逐謝鵬人識將軍命擊彘生
慙博士才禮樂到頭關日逐詩書掩口問雷開不知抹殺青雲

後多少虹霓慰上台

貪趨日午合陰霓祇怪坳堂江海深相忍不能成魯國孤行應
自有臺禽市南五百含光劍淮北三千玳瑁簪最是楚平深創
語南人竊快在中心

文網未釋乞休爲勞倪鴻寶特疏見白爲詩言謝並道鄙
意非乖叔向引誼之懷未殊孟博避咎之旨也十二章
違時誼舉古殊難無患善人且及餐陶叔何嘗忘戴豷漢庭翻
自笑房蘭白頭出處關象緯碧血開流澹肺肝明月在天泉在
匣懸將心眼與誰看

量腹度形我自知何妨龍象有乖癡已爭束骨來千古難得紅
顏又一時圖史偶然懸鹿角渾敦漫欲寫蛾眉商山老子無文
采諒可中身別律師

東壁無光壓氣頻移將厭勝與何人解衣已度饕餮鼎捉筆仍
當檣杙春自向儼場除假面莫從去婦說鍼神騰騰一縷香烟
外任與蛙塘叫四鄰

嘲難何如盲腐良一身那得兩安詳左馬半生尤薄劣曼雲當
日見荒唐早依巖谷成元豹近吐車茵失白凰珍重他山追琢
晚休談紹聖舊文章

禹鼎未成蒼史裁果然鬼哭爲誰來青秋已照幽明狀白日非
關文字哀自是無珠酬魍魎不知有崇問臺駘當時祇合纏哀
草省得烘鑪百煉灰

白馬驅江江水騰天吳豈復別淄澠吹簫自昔疑鳴鳥雨血於
今悟鬪鵬南董罪言唯數字賈鼯過語合千層除將世事平心
外確有精微我未能

千載人倫各自徵不干谷響與鐘聲已將物望歸平仲恐有標
題噪後生吾道未衰皮裏在斯文若墜羽毛輕青天覆野青於
海空使鶴羣相對鳴

亦是同巢風雨陰鸞弓同氣合開襟但看物色已如此何敢西
歸誦好音睨柱不還卞氏淚要盟先割子期心故山對膝三千
里莫併二桃梁父吟

盛時師佐古難求大駢浪從七聖游文舉薦人雷過寶石農量
已自幽憂秋冬射獵成何事背地拋書別一舟未敢便從胡老
去可能學不到沙鷗

離罪猶然勝死亡當時奚盼未商量釣魚得失馮誰手屠狗清
污不問方豈有垂茅啼涸井漫勞抽矢納雕房古今汎濫無明
史何處從頭說短長

似有累心未盡除司空竈下兩班書展禽自合知三命惠子終
難說五車結習少年猶夢試班奉老媪尙教梳筆研鞞鏡無安
處錯向空門禮爰居

盡云培土少危松便東空言高閣重高閣何須焚火藻空言亦
自有雲龍若愁被髮應推管未到殘膏莫泣龔行父舜功二十
一今多近史兩三封

黃漳浦集卷四十六

詩

七言律詩

秦晉流寇嘯聚頻年已繫治督臣楊鶴滇中普酋又亂繫
治撫臣王伉念之懔然遂成數章

酸眼莫當絃索前每聞風影一悲泣人材橫灑雨中竹鬼火直
牽峰外烟海大何能無激浪手柔不易託危舠此時同室猶分
閩安得松巢自在眠

十年黔蜀未分功鱗甲昆池又動風鳴綠江干明赤羽米脂城
北亂飛鴻空愁文士難鳴劍盡道寒膠不折弓遠邇柔能誰記
得非無表餌欲和戎

猶是方中明盛時無人一爲寫憂疑冽泉浸草馮誰念曲突遺

薪久不支輦下未能裁露布遐方似可卷雲旗麓川故薄今銷
盡處處蒼生繫所思

浮沉咫尺且江河莫為巉巖風雨多天下不資孤掌力世人曾
柰獨賢何盱邊自少陳都護聚米今慚馬伏波二百餘年閑帝
皂可無駮牝足高駝

飢戎成處各分明鴻鴈鯨鯢自不平十萬賑金垂滴露億千加
賦坐敲冰催功未識橫征苦久戍何如一戰輕自是舞階干羽
倦新題樂葛舊書生

皇靈旁暢足雲雷載道銀鐙節鉞來自向危橋分馬首不從渥
澤間龍媒錦車初赴烏屠就高柳更逢檀石槐萬國中年西土
靖魏陳當日亦銜哀

舊刻詩草闕
此下三章

寇攘功成士伍謹芟除不害祇衣冠銜杯高坐呼鷹易絕朝長

途御馬難療病合無破竹勢剉疽猶作理絲看空山道士調猿
鶴笑殺迂儒坐據鞍

猛鷲韁繚豈易馴三明當日牛要津看多韋韎能橫命從此文
章不護身華蓋西園新典制羽林東部舊家人涼州豪傑今誰
在空向度遼憶義貞

新得丹方並鑄鼎之法呼工度之須百六十金買藥稱是
計不能辨也聊扇以詩八章

道力未宏塵世侵翻思出世有塵心行逢石髓非關藥老變桃
花似誨淫身在鼎中誰舉鼎人從林下莫投林明知至理難相
誤愧卻道人不取金

焦原古壁赤松烟不信達人盡到天看有甕時猶滅火從無琴
處那安絃龜龍自出羲皇上虎鳥平翻王母前此意古人稀一

會更須十絕兩韋編

古壁一作石壁

開山祀竈久支離會有開山祀竈時洗耳欲歸何處塚採薇更
度幾年飢上方珍重巨人跡下士多鈔散聖詩俎豆諒無蓬海
厄寒裳帝子儻相思

寶氣多腥巖氣酸粗疎絳節與漁竿未應了得通身易不易招
他白玉棺漢室飛樓連遠海武夷遺蛻遍空山中間裁取清涼
府莫掛靈符再築壇

兩濟分明知者稀古人制氣已精微擬將損益知生死已落
黃瓶是非採藥弟兄猶啟土灌園老子未忘機世間確有蓬萊
島饒得千錢辦釣磯

衡泌詩人卻自然衣裳車馬語堪憐細心不耨芝田草赤手能
刪玉井蓮一往栖迷鳥獸徑三分情識羽毛緣便教拔宅成何

事空惱眞靈太始前

雲霞漾水水漾空印得樓臺烟霧中隱洞何殊清夢夜桃流
異藥珠宮幽棲慚解山精語荒遜聊收艸木功惟有素皇分付
處尋常杵臼未玲瓏

千行神漢一行波是處度人能幾何大地化丹猶有劫黃雲暮
鼎尙傳訛松花照野百錢賤竹實經秋數斛多老去不爲少年
興安期歸共典青篔

初逢孔棘島海尙甯欲乞朝鮮之差以外聯屬國中靖島

民而陪臣屢疏以貢道爲苦議移登海以就旅順累月
不決值錢輔禍發悵然望洋因作望洋前篇六章

東望扶桑君子居遐荒禮樂未全疎之果不度西秦火安市仍
多東漢書蒼水九疇應有種王城八約合還初共球海外清如

許何事未開使者車

日月光華再日還兩番鉅典合申頒當時雷雨恢平壤何日車
書隔北關蛇豕猶知寬佃路魚龍常禮蓬萊山星槎直處穿雲
漢莫說風濤不可攀

百貊當年各犬牙句驪領袖自東華別無使來分禮豈有神
巫欲取騶四路征魂垂帝慨八州諱奉官家倭兒短劍銷於
水不畏遼西急暮笳

逐康奴子犬獠猗顧兒奚能別所營蘭水頭曾懸北關卑桓騎
自領西平風雲天外明三錫衽席行中出五丁柔翰窮年何所
報碧鷄金馬誤書生

貢道何須避委夷戈船五兩自旖旎南交合棄珠崖外西竺仍
通越海涯聖世不煩憂厝火匡時那得緩燃眉灌壇風雨能消
路莫謂鯨鯢盡阻師

鞠人辛計苦相償不敢安肥媿稻梁定遠何嘗知燕領陸生初
豈爲金裝絃書娛老留他日膂力辭親別所將處處摧山成沸
海何從調馬坐康莊

已坐言改服計秩當爲大行尙圖捐軀一踐前意而登州
卒亂東道遂湮浮海之願既裁反袂之情垂見矣人無
安土水自橫流誓歛餘骸自還丘墓重爲悵然作望洋
後篇六章

乘桴吾道詎能窮麟足龜圖各轉蓬貝闕島中當作幻白榆天
上自因風看將迂論成仇國會有昌言失徙戎時事滄桑馮一
瞬故園高俯馮夷宮

楛矢當年肅愼來岵夷今遂失鑲鍤知兵自合先知將養何

當更養胎不縱龍蛇歸藪澤那從蜥蜴問雲雷尋常祇道風波
惡卻有風波別起埃

樓船浪水各能軍不渡凌河勢自分斷足鼉神猶肩屨驅山鐸
子浪砢礮千年漁火焚仙嶠半夜鮫人泣水氣屬國舟航看已
斷三韓聲息豈堪聞

旄頭秋淨見狼弧天下未愁水飾圖內地不應勤塞卒東門空
使嘯 雛看無偃海來重譯怪向中流失一壺衰德自慚夾谷
會通人莫作王然子

方壺深處失盤桓未到東南魚鳥瀾介子功成千古賤仲連書
在幾人看微文不用師猿臂異味何須識馬肝祇對江門發浩
歎拋將龍節上漁竿

蝸角魚鬚天外腥儻回天亦護鈴屨山中未改鼉鼉窟坐上仍

翻山海經不訴豫且愁帝子自銜蘆草謝園真餘生別有蘆敖
杖洗眼看他日月青

子年四十七矣栖遲一官辛未臘月得成天放乃舉一子

親朋畢賀動引子瞻之詞予遂陶然以洗兒賦謝六章
丹蒲不得展簪纓自點鐙香禮所生怪得持官如蚌累偶然脫
殼見珠明文章貪割成孤特樂事廉纖慰太清自哂一生皆晚
耐看誰墜地足彭鏗

洗兒十日逢元日作父中年合百年未報乾坤留後乘自除風
雪見前緣窪頭仁義行垂白聃耳丰儀慎勿園物性癡黃癡有
種吾今已作老鸞眠

萬事無師師老童許身身自足家翁初開一線悲啼路已共千
秋聲息通直宰報人成巧妙嬰孩留客得從容羽毛瘡痂知多

少不著經營此事中

人倫佳興久陂陀未到聞聲喚奈何
鵬鷲夢中曾發采風雷毛裡數經過
自題龍尾生無害勿賜鯉魚恩更多
喜得通家元凱好幾回探卵下巢阿

辛壬今亦見呱呱瑕德何能不卸家
牯犢未知豺虎開梅桃猶結苦谿花
長安胎氣宜羶土禮室精靈照暮霞
舊日凶毛今已秃誰當代種青門瓜

團鑪列鼎各支頤畏見爾曹及亂時
少婦病中猶刺線老人日下但編摩
空山兒姊啼魚笋舊館親朋慰綵絲
乳汁不從俸米得後來應記伐檀詩

壬申元日侵晨雨雪旋遂開霽時已得請
睽然有作六章

案浙中倪黃合刻帖題作壬申元日晨間微雪俄而義陽晃然攢暉竟夕伏枕批筆遂成六詩

十年三滯長安春一樣日光千樣新
顛倒簪裾親竈鬼等閒符

篆謝桃人鑪薰自捲仗前馬繖影知輕
檻外身最是歲頭開采

處霏微覷雪寫青案兒黃合刻親作餘自作知知作從最是作望得

鵲驚寒日已消分明天下泥簫韶欲開
蟄戶通葭管百掃蠅

窓畫遠條待命百年鬚髮好放生當世
羽毛饒大平羯鼓催千

掌慙送飛鷗結早朝案倪黃合刻不作下葭作仄蠅窓畫遠條作風根繫隱瓢隔作百送作趁

東閣前頭對揖時冥鴻合蚤謝威儀掛
冠已負真先輩引轡空

招舊獵師偶俗乘鳥能去住疑人通客
故栖遲但教入眼春風

遍何處鷹鳩不上詩

采勝椒花久不關况當伏枕問刀環
天懸逸榜開猿侶人爲遯門出鷺班
畫鷁未衝水齒破臥羊不理石頭頑
朝衣疊折思何限自向蒼茫著說山

案帖本出作敬

單衫禮斗舊柴門何事從人戀小言主聖自知游已倦文繁合
使道還淳致身空蝕三仙篆計字未酬十石恩窮巷風烟成歲
歲莫將芳草繫王孫案帖本空作徒

階箕尸草各阿娜不識天顏喜若何壓陸禹麾春自在當懸夔
石古難和傷心左畢去年暮穿眼中台今夜多記得空山松壁
上腰鎌日出研疎蘿案帖本尸草作厨楚左作昂

三日遂雨雪平地積尺時去冬至六十四日前十日已微
雨著地乃冰東省報斷欲出都未得六章

三日霏霏天益陰三經雨水惜春深鷄占不到承明外柳色空
懷江水潯鑪上烘人猶著火厠前滅燭尙驚心南榮曝背知誰
健傲舍徒催新威金

遷客下帷古所稀逐臣閉戶與誰歸游絲絡網當庭合乳燕將

雛試社飛天幸馬公猶不腐道窮冉子尙能肥青齊橫水看無
恙便刺輕舟脫箬衣

臘前戍卒動青徐臘後未聞戡亂書細樂羣公猶晏食誅文假
吏尙咨且人嬉盤筍冰牙後馬噉傍河柳葉初欲賦長楊真鄙
事更誰一一誦烏虛

亦有桃花丙舍傍開時已得賜滄浪不應接浙千山外誤落浮
槎一水方人智俱從婪尾退物情空作打頭忙隨山向壁詮周
易莫引鄰家牛背光

昔爲朝艱賦遠游無成更自歎淹留十行涕淚慙前席六疏頑
癡負首丘仗劍未能追馬足折筆安得到頭栖遲更乞青藜
火已落崔班第二流

封狼銘燕各乖材祗爲重華作覩來曠野霑濡誰得避上林遺

火那能回豹文已墜終童業馬齒空高郭隗臺有命少年窺鏡
好老迂合選媚蒿萊

元夕近兒子彌月家僮以廿錢買小鐙見之爲訝適聞文
網再發援筆輒然不敗所懷四章

孤臣心事久分明不向望舒說不平里巷自能誇剪綵嬰兒未
敢辨車城若銷火井關神理誰灼肥泉徹夜行炯炯當天看未
墜一泓清露自金莖車一作丰

燕雀笙歌沸一時華鐙燄火爛分炊下簾說卦百錢盡闕地燒
冰兩鬢絲月色但翻市井嫵春光不派旅人私雍熙宰相傳何
語莫是昇平放夜詩

三年空別故蒿萊髮鏡何曾上馬來人與鷗鳧爭領項天爲槐
柳長韞璫花情面隨朱桁船纜風期妬落梅忽憶去年烟火

裏白麻赤羽一齊開

朱門獸炭噴青烟柳下歸人自著鞭熱眼曾經霜雪過冰心莫
付火雲煎伏鷄窠裏留生事走馬鐙前散綺筵但使山林靜王
在自扶烏鹿引松年

小還詩四章六疏得小還尙遲門禁

盛世霜雷傲景鐘幾株筆札六鈞弓文身不合疑龍子綸羽何
曾收乃公人事倒隨雲汗漫物情讓與石玲瓏鈔將靈笈三千
卷施與長松萬壑中

誰從風雪慰虛徐決鳥頽雲各起予祝客椎牛行誓墓教人學
舞坐焚書蒼生百出愁無奈黃帝獨看醜不如舊是大愚山長
老未須名鳥喚鋤鋤

夾刺栽挑楓樹林玉堂變調不自今古人已向吳門去逋客猶

從燕市尋入碎琵琶翻破陣回甜橄欖謝南音幽青處處催烽火莫動當時見獵心

拜揖當年苦據鞍到頭耽戀祇衣冠丹砂有性依方藥白髮何根望釣竿退殿仙人長脫屣休糧鶴子不歸闌可憐接浙老翁事祇作獨絃市上彈

大還詩四章八疏得大還遂賦初衣

不信擲身身得安八還殘藥已成丹早知醫病病仍在五降中聲豈復彈因病外身猶解網無身不病且加餐八還五降天人事莫復尋聲借藥看

橐中鳥道亦間關雲外鴻毛散往還不向橐中歸智子依然雲外落仲山餘身已賽千金願兩翮猶懸一楮間自是俳場煩惱榻偶成破涕與開顏

鴻鳴鳧泛兩徘徊浪向天門百叫來放子不吟終不類詩人非怨亦非才銅鞮判與江南樂木鐸收將行路哀學道白頭猶爾爾古今合有商邱開

江湖萬里鰕魚青北塞單弓 馬腥不爲江魚輕水弄忍從塞馬問山靈十年鸚鵡知供奉百尺浮圖自說鈴作炭工夫今已盡別留嘯旨與人聽

伏枕及下牀冥無所見見倪鴻寶請假疏云京師如海獨無良醫爲之慨然賦京師如海獨無醫以示諸病者四章帝憫蒼生蒼可憐炎皇初本久難詮非關藥草銷真性直爲神巫試老拳垣外一方人不見臍中二豎鬼安眠中身強半分秦越空鑄銅人坐院前

蒼茫何處試圭丸滾滾蛟螭毒水寒著箭鶴逢樵子淚開頤龍

向馬皇嘆自翻白帶來剗刃莫訴青藜更煮丹施卻一身成藥
樹解枝落節與人看

熱風長後麥新初未見仙人肘後書客散靈符空咒虎天留道
眼合生蛆一彎弓影能飛礮無數蛇魂未掛車潛誦下泉收不
得上池清水濁如渠

尙方法餌祇鱸尊不仗刀圭仗採真道爲銷光尊廁鬼人從學
博謝河神遽蔭合覆長生饌甘草能呼自在身白日迴天看有
命何妨鐘鼓臥青春

將出都姚孟長前輩楊用賓徐九一吳澹人馬君常張天

如諸館丈各有惠詩依韻間和八章

鳥啼狐舞各青霄誰復秦庭答繞朝萬里岱華驚破碎千春干
羽任扶颺書生不敢求師董謁者何須更訟鼃海外雲波猶浩

蕩隨人伐荻緯秋蕭

便化羝羣亦帝臣不應落草爲衰麟畫來築釣真成夢老去魚
鹽未就陳湧水道人甯有命淘河夫子爲誰民莫將歲序談前

日但祝清時事事新

二韻依姚

星榆曲竇許誰穿虎豹常持閭闔權未用揮戈扶白日何當吐
舌舐青天埋將玉管能成塚銷卻湛盧自化泉尺寸量才知不
剩漫勞膏火爲悲煎

泮水龜龍未可朋寒芒高與五雲凝廢歌帝子甯師律執簡微
官亦飲水仙饌祇今餘破鏡瑣書自古溷漁鏡當時不作明時
史臥寫松風老自憑

二韻依楊

標鹿人投盛世間倦遊心愧鳥先還來將朱紱供蒐獵歸與青
谿別訂頑七尺不支天自穩半千未死道從刪異時併得華陽

傳別註真銜副小山 一韻依吳

終歲呼關一日行灑將碧血滿懷輕何知刀筆文無害浪說圖書失若驚鵲卵自隨人夢化狼弧空與鬼車衝君恩七尺高於

斗莫向市傭辨姓名

圖一作道

岸谷何根慰考槃杞憂能得幾時寬自嫌鷓鴣啼來早不信園
葵深處安上國堆金埋馬骨蓬池異饌雜人肝清明負戴煩妻
子別作從頭土室看

畫堂文羽各相依著眼塵深失翠微吾道未孤猶有韻古人可
作與誰歸留身藉草成麋悅垂臂當餐救虎飢儻得太平風景
好青青更爲製荷衣

二月初吉陳弓甫以督學西粵不及爲別愴然寄之三章
君去高臺百綵鮮文昌星下老人前清平曲裏看批勅靈怪峰

頭試管絃西道相如空草檄東遺陸子未成篇於今付得開山
手亦有光輝鄰舍邊

蒼梧帝子古惇元近代詞人安足論銀漢自天除海氣高名觸
地表龍門舉帷方識文翁妙簪筆何如使者尊喜得當時焚疏
草不同坡老共銷魂

何必掖梧臺柳間始平句漏已眞班况將旛節雲中落兼有詩
書天外刪百粵門生環德頰千巖靈草護朱顏誰容我憇看青
史汲鄭當年自往還

先數日林祉文亦得命視師宦紹使去不及致書別訂台

蕩之約三章

東南干羽古清甯帝顧今多託外屏豺虎何時皆北渡雲霓當
日自中庭人材盡向鄧林出海眼平翻島嶼青筆劄到頭無勝

處思君劍佩一星星

當年摩揣幾人酬，禹貢諸侯最上游。教令足按青史腕，文移能縮水神頭。包迴嶽瀆成千里，區別烟霞又一邱。幸及此方猶宴宴，容子買杖挾飛鷗。

四明五洩久模糊，瀑布飛梁入夢無。人事到從雲變態，山靈未必鬼張弧。世間公道餘泉石，海外高盟復釣屠。莫謂洞天多物禁，吾今烏雀已隨呼。

二月九日是予初誕，以是日出都掛帽驢背，乃作更生之

詩十二章

血縷分明天上裁，塊然墜地幾時迴。重生已覺前生誤，開眼方思合眼哀。破涕一聲憐月脇，摩娑何處認珠胎。自從毛裏親親過，亦向牛頭關隘來。

搏射紅霞陰，雷重一番雷。火失魚龍飛，沙磧裡看翔葉倒海岸。頭倚斷筇身，在不知來處。路夢回突見雨，前峰尋常拾得還。魂艸稽首天門拜，赤松

黃鵠居然便化鳧，蒙頭真得鬼相扶。抱關不稱廬兒願，挾策何當馬上呼。餘骨自成青鵠掇，微名合作穀於菟。道傍送者休相勞，尚有白頭舊老儒。

覆舟舟下解新衣，亂鏑鋒頭惜小磯。不足惜時無惜處，誰爲解者解仍非。長空裏海客帆入積霧籠山，縱鳥飛便死卻身猶未死。况留雙眼送斜暉。

親在合無遂，忘時致身翻。自憶親疑留，將膚髮成吾。是保得冠裳欲對誰，偶向春秋題鷓石。未從爾雅設，螭螟登高孝子今無賴。絕壁三分足外垂。

一生卻有一生恩
灰艸何當惜舊根
人報君親雙斷後
天排雲水兩空痕
翩翩已悉堂中事
高簡漸知方外尊
四顧蒼茫何所繫
頂頭白日見崑崙

鳥去冰寒樵子憐
自除啼笑亦安然
特來不藉牛羊乳
豈指非侵天地權
看有命根隨啟石
從無血路到啼鵑
青春處處隨青草
不識長堤是舊年

泚水焉知何處流
况從逝水問浮漚
東家豈復憐環樹
南向依然賞髑髏
縱一官存猶廢瑟
任教臂斷亦虛舟
鄉鄰妻子能相識
未畏傍人怪換頭

艾履瓜蒂惜孱顏
尋無死路得生還
似將碎玉收全瓦
恰似墜雲湧小山
才劣白隨烟上下
望窮合與石癡頑
祇慚不化石烟去
又向空山掃白鵞

膝下纏綿號泣多
不關夏楚未經過
淋頭苦雨看中野
到岸游魂信夕波
守李王孫猶有淚
鋤瓜恭子尙能歌
羞將窈窕宜山鬼
自採石蘭被女蘿

不隨精魄寄存亡
便託殘形亦不妨
猥賤自隨龜出入
支離合共鳥翱翔
更無異夢傳鈞樂
突有青天欲雨霜
辛苦蓼莪言笑處
懸弧此日爲誰忙

千年洗伐那能期
半百重生又一時
上智看多中歲厄
獨存能得幾人師
約來大鳥成新別
謝去青蠅失舊知
東向墜驢成一笑
從今庭檻有安枝

已出都乃聞吳執御給諫吳彥芳侍御各就繫先數日已繫御史王瓚琛皆以薦舉故聞之惻然愧爲逐臣無能

代罪隕涕而已八章

案瓚琛一作續琛

消息雲雷事事殊出門垂翼已良圖不應白日啼衰鳳坐聽空
山泣放鵝世道自須崇察相通人何必誦迂儒漫言十世能相
宥千古終無祁大夫

聖明天子自如神安得青蒲伏再陳人世便身唯掩口何云開
口便圖身唵喃更畏千秋史災亂不爲三獨臣唇齒相資誰敢
作當年王甫未生嗔便一作爲

天步依依不等閒不妨臣子坐多艱太丘有意投圍土伯玉無
心出近畿短策偶然先瘦狗弄丸突自失鸚鵡人生有命懸眞
宰未用驅車疾過山

辛陽才運久蹉跎未問不倫意若何芹曝豈干天上價墨輪浪
起室中戈平將空裏題鳧乙卻向師前競鸛鵝正是人灘流急
處未容舟子易爲歌

豈有刑徒遂失賢劉陶疏在永興年總緣交廈撐羣木非謂求
魚取敝筌霸王猶能開噴室清朝何必共防川空將直諫歸臺
省流涕宣文七制前

故事持人每敢言到無故事與誰論每從書裏嘲龍比定向杯
前泣虎賁石顯猶能登貢禹匡衡終不殺王尊羞將宋史看成
熟不記西園與北門

鳧鴈何甘唼稻梁不成鵠舉不成行妖狐自合連華表元緒居
然累老桑國是豈由獄吏定爰書頻爲諫章忙當年應取剡溪
紙爛寫侯門安樂方

餌人高位各銜枚西望今無偉節來大老到頭依日月小臣糜
骨斷風雷金蛇未塞將軍願白鶴難分處士哀但伏皇仁能不
死千方歌舞頌中台

直沽逢閔昭余大司馬四章

鷓鴣異量各圖南，順逆風前共弛擔。
得意快舟輕放葉，疑人海鳥浪開嵐。
更無籠檻分三泰，不復爬搔謝七堪。
明耳當時經記授，非關微語未曾參。

浴日支天掃自閒，不談時事更開顏。
漢陰蘭火焚將盡，河上元書註未刪。
平地依然成鳥道，真靈時亦到人間。
合將霜眼懸丹壑，笑指浮雲山外山。

幾回雷火脫灰塵，未負昌期自許人。
取履小年輕著力，探珠弟子誤投身。
悔將野雀從黃口，錯怪驪龍有逆鱗。
歲晚鋒車追不上，於今賈涕點青春。

綿蕞當年舊講徒，征帆今復託菰蘆。
交疏親友難相助，道淺神明不任扶。
盡興臬夔猶筆橐，失時樂管自屠沽。
江南處處多漁

父能得糟醅，共喫無

登州已陷中議剿，撫不決諸有司無一人死者。至直沽

撫臣孫元化偕諸道臣浮海至歸，命司敗爲之汗顏

以訊之四章

萬禩中年左顧餘，征旗西指此徵車。
烹朝初歲東征倦，島卒南來未警予。
借箸自應隨指臂，捕蟬空自責詹諸。
人材自古揆無盡，四十年來風景殊。

八千磨甲水犀師，五兩江湖沓渚期。
衣帶凌河空不渡，冠裳東土坐陵夷。
狼烟塞外看猶昨，龜玉櫝中合與誰。
夾馬銀鎗成往事，愁人終日理芬綵。

案此章及下章舊刻詩缺

虎文羊質久蒙戎，已值豺羣尙彌縫。
豈有竊符來晉鄙，更無倒印用司農。
千春義齒消殘雪，一道酸魂掩暮蛩。
七十二城舊義

士看誰書箭矢從容

傭奴空結進賢冤賣卻儒冠誤至尊聖世材多輕沒黯
兒眼大失公孫延陵麤鼠能依樹鄴水鴨鵝各在門破格用人成底
事更無死處報誰恩

和鄭峯陽見贈十章

借劍牽衣各一時偶然不作古人思驚心天墜精魂薄割骨夜

闌燈火知生下合隨仗馬嫵老來空逐野麟癡中身學易今如

此更註道經莽自疑

麟一作人

崖葉翔風信所之不應猶是艸生時窮來化塚隨埋筆與到椎
牛自祭詩算盡監門無我友忘將柱影屬吾師霜天未破青松
膽獨對酸雲誦老慈

天高語細總難明但不偷光負所生魚鳥能通一網意鬪體豈

識百年名舐將殘藥生無貴所得狂夫世自平七尺倖存兒女

賴鷗鳥滿坐莫須驚

十七部中幾部春幾翻不作史中塵荒村有市輕談虎帝世無
金錯鑄人赤手生還書已盡枯崖墜後骨難親當年未結申胥
願又作空庭自叫身

隴水休疑銀漢通鳥身輕託土囊風人從鏡裡宜埋照官到天
頭易發蒙輓世已憐生過半驕兒不信死無窮狼牙狗寶穿將
遍仍是華胥舊夢中

不頑不慧那應仙祇說貧寒焦孝然造化弄人終有柄素臣讚
世已無權誰穿連夜千尋井自佃翻滄半石田選取盤趺雙膝
處看人烏鹿到年年

生接危帆出死濱龜蛇斗下禮孤辰接將九轉山中藥慚對萬

金刀下人宣室量才難發嘆竹林瓊語久成陳平翻汲鄭當時
傳不及桃源鷄犬親

量形度腹與誰期未到逢梅決絕時老大文章休著辨艱危報
牒合停披秋殘菡萏花千樹霜落菴葭水一湄相識留人天下
足不應更有青蠅知

半折危檣波浪中蒼生不換黑頭公天當補處縫難合海到盡
頭探未窮鍊骨已無文火法披襟尙有晚樵風殷勤勸世爲鳧
鴈休作銜蘆天外鴻

惜羽應須不破樊劍場能禁幾人喧殘名著帶生無繫敗局當
暮客自翻白鶴銜歸三寸箭青牛噉卻五千言隻身枯落馮君
眼莫說天河是水源

自濟甯迤兗州凡九十里至曲阜北郭五里上孔林東一

于戈南北尙秋聲海樹雲窠恰老成豈有青萍能報主更誰赤
手共扶傾彈冠讓客支門戶溢米知人寡官情卻爲聖恩啼罔
極檀車河水又清深

戊寅出都十詠

案末章大滌函書與鄭白麓本並缺從舊
刻詩艸補錄其次第則舊刻一二三四五
六七八九此本移爲五
六九三一二八七四

方河淨土祇滄洲叢竹能扶百尺樓短屐豈無行道地微官饒
作寄書郵山泉著雨全開眼增影入窗盡到頭送卻閒情閒自
在通人心事直於鉤

饒一作莫送一作放
大滌函書與鄭本合

每從風雪祝虛徐卻使賓鴻傲不如學道已當誓墓後卜歸端
在出山初都亭貴紙鈔新疏月浦繫經補舊鋤出處可曾成兩
事穀城翁久已焚書

都亭一作途中貴一作
買浦一作下繫一作荷

量腹餐芝老未量野人作客太匆忙尙方樂施自然飯老女難

燒無事香逢世縮頭緣漏屋看人懺悔為危檣新秋處處鳴鶡

鴉放與江麋鬪白芳量一作雀老一作苦放一作縱

椒花風凍隻身遙別寄家書理藥苗兩度出山山不改頻年索

米米難消芋田已賦狙公種蟻海未通芥子橋秋老不聞吹鐵

篴看人次第坐吹簫椒一作蕉頻一作經老不聞一作晚最嫌看一作逢次第一作取次

月白天寒北斗低粉塵忙與女牆齊依簷蟋蟀知人語絕塞鴈

鴻辨馬蹄開徑為誰通鳥道賣車從此謝鷄棲清時不合生危

論長嘯騰騰送鼓聲

一身不似鳥間關卻可騰笳滿看山石氣入秋香到骨溪雲歸

岫老開顏焚將書史成無學任與畫堂試半閒且喜草凋馬

靜刀頭涼月照新灣卻一作恰任一作縱試一作門

勞人久矣狎風雷未負清漣河月來偃蹇欲隨車下馬便宜先

探隴頭梅新詩已脫推敲勢薄酒聊消三五杯自信此心明似

鏡不將鉛粉倩人開勞一作高漣河月一作漣漪清水欲一作已車一作塞薄一作濁

委佩從容我亦能綠竿已到末三層不從古史閱看柱可與公

徒共戲冰便作猿狙猶有侶誰云虎兕盡無朋慙慙閣老箴規

意奉與孤山打坐僧三一作中作一作化狙一作康

有命蒼生共皺眉豈應獨是我愁時鋤松了不關花信縛帚何

曾負竹枝一線中原烟火在牛肩行李水雲知美人西去勞回

首欲摘芙蓉寄與誰

幾回碎首玉堦前不為微名賽俸錢世道已隨龔啞盡孤生空

得聖明憐火中燕雀尋新宅悶裡經書寄杜鵑天下癡人癡到

我憑誰恠不飲狂泉

諸友餞別栖水依韻言和四章

未成弓劍古戎裝不記朱繒與皂囊故事空庭唯鳥跡新詩明月爲誰光湘江竹簟紋如水若下尊羹性自涼縞帶相逢舟楫在何曾日暮嘆途長

文酒畫船散寂寥不煩 檻榜人謠交情十日難分袂世道三秋信弄潮小鳥無方迴偃水油雲何處慰蘇苗弓旌多借匡時彥玉案雙魚首重翹

孤舟南北幾番風總向刀頭問轉蓬春夢不浮登海市古人曾過呂梁欲洞庭橘樹移新本鐵筴梅花灑舊衷襍被一行書數篋未驚雷火撼龍宮

磨盡青銅久不光漸看露白到葭蒼餘生學道能無怨一葉隨風各自翔不信王孫頻解佩莫將蘭漿共懷湘桐江垂釣高臺在卻笑魴魚帶武昌

廊落詩十章

倒垂空碧晃昭回雪盡橫雲數鳥來烏兔影中催鬢髮江湖鏡底澹蒿萊日焚豕史三千卷坐撒香塵十萬灰自笑此身多廓落火車劍樹一齊開

一瞬攢眉半百年古人能得幾周旋寒烟自繞介山外香艸仍芬湘水邊五石匏中容几案雙趺榻裏墜林泉敲鐙夜乞侏儒米已在羲皇巢燧前

扶杖寧雲數感懷果然藤氣傲芒鞋青天不絕寒松路燹火仍留枯樹夢欲寄桐思慙少婦自攜石白鎖空齋月中桂實酸於棗落盡水潭碧水隈

失隊鶴羣去未還藥師餅客少開顏神人閒守琅玕樹逸史忙翻大小山儘有波瀾滌島嶠可無聲淚動塵寰五羊賤子看皮

裏猶在鷄尸牛後間

落花春迸露萍流天上星榆共寫愁四野笳聲催澤鴈三山濤
氣滯沙鷗疾風不撓獨搖艸弱水能浮匏葉舟留得鳥巢收竹
實乾坤雙眼白雲秋

憶卻扶鋤採藥難朱弦銀管不須彈潮來鷄足侵欵枕海大魚
鬚買釣竿斷臂道人春自在折肱范叔老仍寒球圖刀訓千秋
事并作兒啼黃葉看

雲松猿鶴已崑崙化得沙蟲亦自尊豈有神圖遺禹鼎浪隨玉
斗度鴻門尙方初嗜青龍膾眞宰漫招高士魂何處松巢安七
尺與君遊遠共王孫

衡石投籤日百函何曾趙李坐清談白頭屠釣成無賴彌月爬
搔未不堪皚雪自然推火浣蓼蟲不合理水蠶青山在處生薇

蕨鹿豕場中舊盞簪

烈雪炎霜老不經乍經松壑倍青青還山不失屠羊肆歸隱甯
無放鶴亭坐聽啼鳥催落葉愁看譙鼓送晨星江湖滿望生漁
網且與高鴻共杳冥

古樹上頭少著花桃流已斷避秦家世間何處無監蟹衣角尋
常有鬪蝸坐客幸逢龍正睡行人須避蟻開牙半生能用幾枝
杖又種方筇十畝畛

答周穎侯司李二章

箕山潁水亦孤臣况自溝中泣百神救世應無飢渴法埋頭恰
有釣沽倫收將劍氣龍蛇穩補得荷衣魚鳥新所幸同心憐我
老勿煩啟事惱丹宸

五鬣松風竹篠長柴桑卽是水雲鄉隱囊久已銷昇藥嘯旨何

黃澤清集卷四
三
煩問餒鳳名士能輕黃閣業賢人不笑白頭郎看君意氣清如
許保有精華日月傍

寄葉瞻山御史四章

老別生離江水前盤盂看核尙依然每逢授粢過蕭寺不憶銜
書阻暮年涸鮒全沾御史雨冷傭多散酒家錢寸心欲寄無魚
鴈各在青松白石邊

知爾都城保障勞戈船澤鴈共哀啓已將鐵骨酬天地不向盲
風護羽毛茶水茗溪供夜飯米盤江底炤秋毫高堂咫尺能相
慰勿憶菰蒲坐小舸

家園今歲菊花齊去歲江城山鳥啼到岸風波成夢蝶違時日
月共醢鷄已刪經史更無藝欲戰龍蛇卻小題最憶石頭庵裡
坐看人散米大橋西

吳江楓落冷誰看不再上書謝好官多少飛蟲投熱火莫愁貧
子墜寒山收帆急手辭三宿過市哀弦怨一彈昔昔交知相問
訊爲言多病也平安

寄吳鑑在及至之孝廉

徘徊烏鵲月明枝憶爾潛游羈庫時隻字斷編猶見採千金許
諾有誰知相如睨柱歸懷袖寶石上堂惜別離今日故交俱見
面勿談往事返新詩

怪有征車慰轉蓬相看正在流離中乍傾玉樹忘愁雨不遣騷
人賦谷風灑氣欲吞三楚盡道心卻與大江通英姿若負趙元
未剖血爲君叫碧翁

寄劉念臺總憲四章

野曠蘭蕭未可焚荒荒怒艸罷鋤耘幾迴入地看南斗不惜迂

身報聖君避色湖山猶有韻孤行鹿豕亦無羣半肩襍被輕來
往聊取淨香散遠氛

時尚長途策短轅主恩饒與賁丘園道山到底根無動人海難
教浪不翻百刻漏光還昧旦三分紆采見崑崙治平每憶出山
疏卻使孤臣涕掩門

宵旰慙憂十五年老臣席煖幾安眠浮沉身箭銅壺外張弛天
弓玉玦邊泰否自應關氣數匡扶儻不屬仁賢留將化柄還真
宰悔與時蹄鬪著鞭

橫流一葦濟何期斷楸卽爲登岸時世事合隨風動竹人才但
可菊穿籬不孤吾道嘗青膽略借通官點白眉 寇果然消戰
血破鎗更煮夜明芝

寄鄭元嶽太宰四章

雲霓不厭野人情空向雲霓祝太平若木已分長夜好阿膠柰
使黃河清出山主意明臣節浮海狂濤試友生吾道蹉跎成熟
路終風處處惱啼鶯

天門除道小間關遂有跋羊踐泰山王恕亦曾逢聖主南星初
未許言官清風不禁魯男子異論如歸女未寬汝漢頻年無奏
績幾時隆準得開顏

蟻隙全隄百潰防曲溝可與正帆翔不逢龍血除難盡已脫牛
衣久欲忘聖世自應愁涿水清流何處避瞿塘紛紜戎馬勞開
手別有風雷灑淨香

榮時蕭艾細難掄猥苗場中莫遜人豈有聖賢孰鴈陣可無簫
鼓漏竽神空山品石經青鳥夜火翻書照白身多少浮沉真宰
事不容程量與絲綸

送吳源長少參還南都四章

惜別長安新柳詩兩年棠蔭繫旌旗寒光四壁鄰如水冷面孤
松月上枝兔盡藏弓還拂袖鹿歸畫轂共銜芝江山且喜無風
鶴竹院梧齋寄所思

病馬於今老世途團圓花事共尊鱸高官受用歸奴僕達者鋤
名讓釣屠未了乾坤春艸夢一行劍舄野埜鳧看多勝敗如翻
掌莫向殘碁論苑枯

曾約移舟負聽泉不知身在草堂前慙無十畝園書箭幸有雙
鯈寄紫烟弛擔松風看破暑摩窠鳥語未驚眠世間勞犖除抱
甕賸得高牙最可憐

嶺表奇峰不世情何如葉艇定鷗盟少嘗冰水知清冷全撥風
濤更泰平得意狼烟吹氣類盡心禿管弄書生潮來灑足看明

月欲向阿誰共耦耕

林德侯江虞皞昆仲小集山中用諸子韻和江仲放二章

盪雲鞭石各才人恰與尋嘗茶飯親吾道中無江海岸斯徒尙
有鷗麋鄰鍼方救世終難合藥線縫天老未勻半畝料將五斗
糶留多賢友共銷春

種花又老一深春鬢鬢含霜漸欲勻無復高談驚四座可容酣
叫動西鄰鳧分鶴脰猶難舞弟作兄啼意自親留得半尊穿石
榻臥龍躍馬讓通人

南巖同張汰沃訪千公二章

從舊刻詩
艸補錄

新盟鹿豕罷相猜百丈巖師舊往回洗就石窠人飲去剝餘山
荔鳥銜來乍看法雨翻飛瀑常憶曇花下遶臺不問異人說異
趣尋常杖履自山隈

倦餘觸暑走深涼一曲諸天足十方每遇泡泉思虎跡量裁危
磴下禪牀不分玉乳數行日能得菩提幾樹香山鬼笑人如
燕千巖何處坐雕梁

訪王子玉郊園

從舊刻詩
艸補錄

君家玉泉旣清勝况開精舍似玉華砌檻荷香分午雨窠雲松
蓋傲朝霞不因愛客來莊道卻喜看山近習家此處桃源人盡
別未煩信宿共胡麻

莆中謝南夫曾未祁鄭牧仲奚仲玉自位見訪詩以送之

六章

浮沉白地領鷗鳧又趁春風撓白鬚世務果然歸俊傑老人安
敢辨雌烏蚤從道伴今松子錯過真緣古釣徒便合閉關關裡
坐閒銷金屑與元珠

年少才高兩不如繆扶臯比與籛條結繩已往無文學抱膝爲
誰鎖草廬人世每翻鹽鐵論官家空註金根車白頭望倒謝安
石淮北淮南一紙書

樂葛魂銷幾百年明綸猶欲禮高賢文壇蚤信推牛耳廟算誰
當著祖鞭好古雄風新磨勵趨時智鏡老團圓吾鄉才子勞相
念愧向橫流問鐵船

居然故劍與遺簪不避朋來千古心當日若從龍比去此時安
得成連吟異人見面開天日好鳥鳴喬起道林每爲儒冠頻發
嘆匡時四海足蛩音

新盟莞爾動明神疇昔何曾見許人天子甯知公等在酒傭未
怪客來頻幸從越陌披經論坐與孤峰結遠鄰世峻不堪談道
廣但言君是我親親

土室無端破短垣不緣熱客到殘門偶尋摘樹逢明月卻爲鹿
羣悵小園病馬每驚汗血過野鷗亦識鳳雛尊看人促刺紛紛
去失與漁樵話遠村

酬池直夫用韻二章

樽散難辭風露侵覆舟舟下亦危襟小山猿鶴愁他日綿谷龍
蛇直到今已信鶻啼關氣運未從禾偃見天心伐檀處處人無
黨坐對鐘期久破琴

身謀國計葉平翻不記屏間兒女言半晌時名成虎窟一行交
譜卽鴿原蝶絲莫繫蒼生夢螢火自知炎帝恩倘得昇巖高曝
背未愁 馬蕩乾坤

答賴字肩太史四章

最憶平臺趨對時龍賓虎僕各支離結繩以往無餘學執簡重

來有所思天子偶然翻記注小臣何敢漫脩詞懇懇欲綴熙明
事多誦虞廷喜起詩

挾天綵筆列華簪難寫孤臣一縷心世道模糊全得力雲波歷
落負知音錯從鳴鳥看歌舞已信斷鼇自陸沉幸有青山存舊
識衡茅共頂主恩深

看君龍藻已芬馡况復斑斕試舞衣親在自應存慎默天全不
用講弦韋白華著跼承銀管玉宇牽絲上釣磯九日山中芝艸
盛與誰共探夜明輝

元圃珠琳在在懸溫陵先輩盛當年似因倒海摻芳楫恰有群
才出濟川黃閣漸紆綠野意高宮嘗使老翁憐匡時莫說費文
偉同載人多伊呂前

三山林守一偕陳宣公見訪山中偶作四章

多君園賞十年心殺馬焚車意太深但有詞人能訪道已教空
谷遍鳴琴千春不腐惟泉石半榻垂穿聽陸沉莫作移文相訊
可小山山筍話抽簪

古處於今未盡顏清濤猶向瓦松來攜將寶冊看貧子撒出明
砂與落梅世事平分葦菜冷鷓聲妙得野人陪吾鄉風物無多
異千里酬君酒一杯

憂勞已送白頭年再見風流亦莞然黃橘花開香箇箇南山雨
灑碧娟娟除將騷楚不堪讀賴有詩壇各上篇戎馬能留榕社
穩且題新句餞苔錢

餘生喜不斷詹炎况有高烟語未嫌頭隙量容詩酒過身裁恰
與韋陶兼若加鐘鼎難爲福略識杯鎗分已厭喪亂耘鋤人何
限莫愁盤底水晶鹽

沈友孫大行入漳投詩見懷用韻答之更致三章

木葉頻將鵝雁飛青篔簹倩得野翁歸直突已同曲突盡新檻
知舊檻非除道每逢脩月手補天空想畫龍衣名賢幾輩晨星
在漸見東方曙色稀

寒帷撥筆各稀奇似此軒裳更有誰道爲河山擔骨血天存吾
輩寫鬚眉驚人若定須丹鳥救世無勞取藥師留滯皇華能幾
日諏謀可亦到柑鷗

春殘荔薜卷衡門歸燕猶招未定魂豈有樵魚貪轍跡遂煩良
馬取方言著鞭已覺同儕晚負弩仍知使者尊魚鴈日邊傳報
少轉教芳草念王孫

匡時到底與蓴鱸各自量才讓釣屠有路出山皆遠志誰家借
劍得湛盧風流已識東陽郡騷雅莫談宋大夫明海故交相問

訊但言汎汎老鷗鳧

淮上別彭達生并示涂德公三章

仗劍辭家見古人
古人似爾更難倫
不教賣卜時過市
况得聯舟鬢比鄰
風雨鷄聲催一葉
芷蘭香氣動千春
斯文未喪吾歸在
莫作二招問水濱

便是獨絃擁乞兒
援琴舞戚共支離
及門未變屠沽服
野店尙黏慶
困詩入檻猿無斷
臂法休糧鶴有鐮
眸時尋常笳鼓開
舟處未必逢君寄所思

誰能傾蓋不躊躇
綳帶繞鞭各起予
最下人才惟節烈
全消吾道未粗疎
空青老骨看無血
契闊神交想異書
欲結芋灰深坐夜
恐君亦有未焚車

碭山道中遇警身先緹騎得過壽張十首

身先緹騎一作身為表馬以先取道

驀地波塵已縱橫
看誰鞭影得先鳴
鶴因著箭無儀羽
虎爲忘機共衛生
高士山中題石笋
老翁谷口飯黃精
可憐星網豫且後
又與蟲魚借路行

鶻陣聞鷗失落梅
果然弓馬未雄才
車中膠自思枹鼓
澤底圖形負釣臺
世徑祇容甘艸過
面光莫向苦桃開
夜行破石尋常事
不是排駝猿臂來

屠兒聲淚莫驚魂
熟視尙餘劍氣存
病馬能疏空澤道
傷麟猶感採薪恩
可容羌頻聞姓畏
使書生數舉幡
何處山中銷血蹟
犯松鹿豕不經門

似爾人宜丘壑間
何當縋絕又扶攀
牛輶已失東西路
鳥翮未翔大小山
不信精誠通水火
偏從楮鑽示安閒
射聲諸騎休搖手
七獲丈夫未閉關

七尺難停箭上弦馬頭安得穩周旋銜蘆隊裡甘臣僕破塚帆
中識長年閉戶誰知龍正鬪幽人定與虎同眠懸崖在處堪垂
踵不獨荒臺北斗邊

開籠小可與梳翎信得書生未隱形雪壁久無斷臂法爛山空
有飯牛經三分野葛知滋味半粟丹砂誤性靈不是獵場仍見
獵儒冠總負少微星

幾回躑躅不辭家隔岸身輕蘆荻花物色重埋千里骨耘鋤未
損東陵瓜無端結夢從逢比何敢當年字莫邪四顧白波能穩
貼老翁任委與荒沙

一宿奔車動百林更幽操與匡琴自甘積雪摧黃葉不許有
雲斷遠岑走壙何干麋鹿命登高尙有胥靡心偷生捉刺過中
澤媿與朝廷布好音

已判陽河臥採薇五湖心緒又重違自燒皂莢終香運試作葭
灰破月圍特地入羣羊不亂翻空投網鳥難飛當年蚤結華峨
願五尺樓圍共息機

雲雷閃處隙光垂楯鼻仍容倒接籬自向江神投劍佩翻從儼
鬼溷鬚眉剖肝自昔難明玉斷臂於今未謝犧最憶漆工依樹
後長年抱膝少鄰知

葉謙齋董叔滙各作平韻詩三十首分篇和之

關二
十章

虎谷蛟潭人影空棕團攜得與誰同破車已頓荒山下短棹仍
投雪浪中出袖琪花齊化口開帷蠟火各經風茅葦握卜千無
數何處安流滄海東

最不宜看雲樹濃况當隙炤又雲封青霜偶結明河淚白日頻
傳子夜鐘半壁寒灰圍客夢一壺漏酒穩心容驚身戶外僮兒

語多少黃鸝失亂松

促刺屏間兒女宜喧蟬今已斷枯枝不辭碧藕通身脆莫說蟠
桃結果遲烏鴿掌盤猶覓食猫狐眼鏡未移時甫田歷歷生驕
莠空對笠人訴所思

半磚墮甌各漁磯何處沙灘不蓑衣猿檻難銜銀索去燕窠猶
貼布帆歸百錢穆卜饒生計兩字明符澹殺機聞道西山六月
雪孤臣未敢問霜飛

伐檀人去久乖崖梳艸薙雲汝未諧鴛鴨欄中容絕足龍驪穴
底失開懷已看日脚侵枯岸不趁雷車問舊莎石馬銅駝能自
狂小船灣處卽高齋

隨它燕雀雅裴徊已見朱闌點綠苔束楚何當支大厦奔流端
不顧微灰鳴夷自賽江湖願枹鼓難明堂阜才祇此山深朋好

絕虎噪猿噪浪相猜

誰貪鯉尾與猩唇槩蠹蓼蟲久自醇莫向鹽梅嘗異味翻從毒
艸見真身牢騷兔射沙中影割截天停線下人自是殘膚通世
法髑髏在處感青綸

殘基歷亂已難分復瀉空杯禱落暉白首繫官如祝髮長天送
老屬孤雲人經多難思偏遠賦爲消愁語不文最憶聖廬員石
下松脂楓乳共和薰

率野仍知虎兕尊熱蟲徑不悟朝昏紫苔任蝕匣中劍白浪頻
翻馬上盆百戰沙場猶吐氣片言黯背但銷魂官緇久矣吾夫
子莫說香柔舌自存

十七部書一夜刪離身蕭斧卽高閑艱貞不敢聞箕子明哲隨
它笑史班吳市故家仍辨姓草堂神物別移山鐵圍盡處無開

路萬歲君恩出此間

壬午元日感事四章

案四詩似指莊烈隆禮宜與相事

閉門元日感咨疇五過榮光動冕旒
一自丹書臨北面更無龍
袞揖東頭天支大厦思隆棟
帝念巨川重濟舟泰運祇憑新禮
樂良臣何以答端求

黃虞曠典雅難倫復有賡颺到比鄰
不謂保明初訪落還從尊
帝得忱恂園穹鑒物垂垂定聖主
敦庸事事真幾代圖松當此
禮光風穆雨四門賓

師臣者帝古尊賢况在宸居異講筵
七聖道通大麓外八能占
應泰階前未須審象知惟肖不待飄
風賦有卷十四朝來無故
事安昌稽古序當年

星辰從此睹重華勸爾聞昌卽拜嘉
縱賜千金猶有疏雖封百

子又何加碧磚長瀉交龍影紗帽能添壓鬢花
新注起居人見
少各傳銀管炤家家

解網出雙河巷十一章

杖頭跑地得雲泉帝與筮魂又栩栩
皓首不須談物命枯苗安
敢負穹天豢牛合識羊皮賤寶鼎墮
知柳下賢獸炭狼烽爭歲
暮此身輕帶介山烟

濩落今真百石匏冰城鐵柱此同敲
華嵩磴絕雲難度輸墨機
深矢未交掘鯉臨河猶失水傷鸞何
樹得安巢五溪衣服新裁
後竹瓦櫻籬別翦茅

魚龍白日撼名波縱有寤言不敢歌
畫局半枰生已老石頭雙
柱意云何戴將皂帽遼東近乞得丹
砂句漏多莫怪刺舟漁父
傲洞庭深處少人過

敏手猶當辨咄嗟容頭身過各生涯八行緘寄青雲寂一部書
成白髮加滄海舟能穿貝葉武陵谿莫錮桃花沿畔亭館千無
礙喜得牆東大有家

萬斛阿膠河水清千羣精衛海當平欲教玉氣如泥軟不忍蘭
根學艾榮血漬銅胡猶有命毛黏石蛤遂無情開頤錯說前生
事已作六花花外聲

敗鼓當場已不靈何須鐘磬數丁甯人看烏鳥無多識天假書
生守一經盡處波濤摧土梗偶然風雨溷原鴿家家少婦排香
案千勿纓冠過北庭

曾列青蒲泣未曾解衣攀鼎亦何能雪中守奏鴈門吏缸底搖
頭匡阜僧已縱風烟侵曲突不貪膏火護殘鐙窮奇欲噉青陽
盡留得當年幾道明

泰否關頭各釜鬻拔身蹈海自蕭森合分狠毒生難出欲叫狂
泉睡已深猿鳥見人先引路龍蛇過歲未安心帝功霸業無消
處莫怪夷吾老自瘖

不從濮上留墨子誰向桑間約魯男倒頭墮影千千入禁足猿
心七七堪便禦豺狼知不害可教魍魎戰還酣分襟四去四千
里南北東西結小菴

斜風斜雨捲疎簾雪隨人領味甜豈有列名呼火樹更無奎
宿語星占三生天外投丹葉自行經中禮玉籤屠釣千春留畫
像頑癡分與石頭瞻

落節道人別署銜蕭然衣袖亂松杉焚香洗足能通座攬鏡刊
眉少避讒倦去調琴還隱几老來疊葛護單衫蠻烟未必無真
氣便寫真文掛布帆

廣洗心詩十三章

無端風雨此淘沙
發夢吹塵未到家
古聖已穿滄海過
時賢猶睨銀河斜
薰絃不召麤賓鐵
歐冶閒看赤董花
爲勸道傍人灑眼
休從草裏問根芽

當門盂水久安瀾
三覆冰船十倍寒
琴冷不愁蛇腹斷
雪消誰作蛾眉看
自臨絕壑題懸霤
一任呱兒認醉盤
記得儒書談活潑
青晨香氣滿闌干

雨後梅前茶事肥
頗嫌苔氣上漁磯
墨花自懺馬肝誤
筆塚遙憐鴈陣微
人從綿水搜巢穴
家向青谿理蕨薇
欲證此中無染處
蒼蒼碧碧一非非

元蟬皓露少安排
豈有甘人益智來
靈掌自分伊闕去
融風又送斗杓迴
西戎浣布消青火
上苑游魚餌劫灰
卻喜晴秋乾得

好更無珠湧上泉臺

爲爾遲開衡岳雲
尙煩三覺與二薰
寒吹滅火人無賴
細雨聽鐘鶴不羣
蛩意難將袞影問
鷄啼要有鬼神聞
寸田尺宅今如許
漫借腰鎌謝鳥耘

洪崖難記古潮痕
爲想層層剝落存
幾勺葭灰圍月暈
一絲鉛粉膩雲根
魚蝦已識龍麟貴
魍魎應知禹鼎尊
涉得菖蒲諸海盡
依然天外此昆侖

塵埃曾分閭闔風
何知閭闔入塵中
黃虞世遠人難慕
伊呂思窮鬼未通
枉水流邊看掛劍
狂泉枯處罷彎弓
慙力盡爲鍼杵
不及白頭鏡底翁

沃焦山下捲波濤
儘見蓬瀛共羽毛
一線縫天無五色
半瓢漉月罷雙螯
不將穢炭汗新火
定把銀河配濁醪
汎汎影中能自

在瀟湘帝子共容舸

自齋沆瀣淬青蘋
降髮江頭遂隱淪
日下雀餽消竹牯
夜來虎氣蕩金銀
一泓還炤空青乳
七尺當風大白身
不飲上池池上露
眼簾已洞隔垣人

水城露柱可胡摸
刻卻真形五岳圖
折骨難尋藏蜜地
全生不帶辟兵符
匏瓜核裏還魂艸
黍米坐中明月珠
試舉大家齊勸過
莫將餘瀝問屠沽

快刀切藕此星星
終日鷗洲與鷺汀
佛齒不當真寶藏
馬蹄卽是南華經
廣陵遺散存秋壑
鐵篋餘徽過洞庭
不信此中無七竅
但吹劍首與君聽

龍泉知我我難明
水市當年語甚平
但使一罇分浩蕩
何愁四海未深清
璜書老謝龍驪夢
藥裏新撥日月精
忠信到頭誰得

力呂梁洪底度蒼生

浩浩江頭秋日懸
共誰曝濯老當年
忍將國恥留天地
莫以身名溷簡編
辱夢豈因版築後
成圖已在義皇前
屬鏤光氣明如掌
不作胥濤撓畫船

偶爾有作六章

蒼茫斷葦自中流
恰有危帆共飽秋
百鳥難排千日網
孤身合住幾層樓
世能無事吾何事
人共言愁我始愁
辨得乾坤成骨血
此生安敢道如漚

石戶圖松事已賒
軒裳那復領菁華
嗜菹不畏菖蒲毒
結佩未忘杜若嘉
四海溝中分痛楚
三藩輦上動咨嗟
拚身尺寸猶拚藥
莫爲批風笑莫邪

鼎鑊當年亦所安
不因偷伺爲悲懼
天渾虎兕看無妄
海護鯨

鯢意共寬中夜何方祠竈鬼此生有命繫危官道傍車笠悠悠者歸去刑鷄再築壇

空澤今知老馬迷祇應結足坐鷄栖人將道眼安金屑天假鉛刀切玉泥高士每逢新燹火星寮錯記舊燃藜遺鄉小吏黃華綬未用深深桃李蹊

雪盡松寒喜未凋故園萬里尙飄搖中原刁斗環清嘯南國梅花碎玉簫胡馬夜闌齊飲水鯨魚月出各窺潮風烟嶺表清無恙不使明時缺老樵

槐陰鷓幕再疎疎轔轔聲調芳草餘化國久賒雙夢蝶仙方空禁一衣魚千春石鷁懸知我四壁風霆可護書閉眼支牀生已老爲誰搔首更踟躕

莫愁湖別諸知契將之湘中八章

晴霾睨雪此何常勸爾栖遲過夜郎自顧影中無曲笠不知腰下有干將褰裳已澹江湖色擲筆微聞柚橘香試作九疑雲數片伊人可否在中央

帆纜收餘江水平渚蒲岸柳漸分明蕭條襍被開神理還合餐盤不世情入座閒鷗停作賦臥雲腐石浪題名行吟莫怪人知少白芷青蘭共弟兄

一春木葉已翔風可省家山人夢中過此裴徊成怪鳥何期寥廓共冥鴻閒將馬草收銅鼓賣得魚錢贖老翁髀肉久消何所試耘鋤應勒短鎌功

白頭攬鏡笑行藏矍鑠看人據筆牀宛爾趨風新跼注皚然疑雪舊衣裳更無螳臂酬橫艸空有蛙啼惱尙方從此不須譚破浪一行塢影倒迴塘

果然雲樹喜風雷不避朋從酒榼來
蚤歲移家今到岸昔人懷
古此登臺六朝文藻輕桃葉八月江濤送客杯
若爲嘉魚窮楚穴尊鱸何處少新醅

故園春水亦桃花西上江源別買槎
穆穆清風隨放子亭亭止

輦問長沙銅鞮曲顧三湘盡石笈書懸二酉斜
錯記山中舊秣

本猶談學士是官家

此首亦見真跡作將入酉陽過石城菴逢諸友攜尊言詩以爲別壬午三月二十

日西作更隨作依亭亭作悠悠湘作襄舊作新是作舊

柴車高掛葦簾垂卻有交遊此一時
雷斧破山開眾日客星落
艸動疎枝著書氣共關門暮賣藥名慙女子知
不是藏身藏不固秋風猶曬未成絲

風定潮平芟草深蘭舟不蕩道人心
朱鳶已占窮魚路舞燕猶呼獨鶴陰
身自煨灰銷劫運天爲選服報朋簪
三湘七澤龍驪

夜北望狼烟語未禁

姚次白見顧

篇中闕文從大滌函書補錄

大滌山中姚次白邇臺見顧憶漳社諸子與言高韻不禁
愴然又承惠風未能言和適何義兆簡繩香二字遂成俚
音足仞相思也

繩牀徙倚茶薇香忽接巾車過艸堂竹馬難邀郭伋路傳經况
在鄭公鄉廿年相見頭應白奕世通家語未忘記得棠陰詩句
好丹霞諸子共翱翔

和陳太史韻八章

篇中闕文從大滌函書補錄

莫談往事此泣然萬里誰當寄橐餗野馬幸無愁入室放狙不
用賦思元短長纓帶看無礙悉索銀鐙更自妍堂阜下車誰笑
語叔牙千古讓高賢

蚤信衡門門下高
園黃命裏賦龍麈
若爲警露蟬當盡
縱不窺園虎亦號
恨少青霜開酷暑
可曾白壁損秋毫
餘生濯足方塘水
俱作枚乘八月濤

秋深無隼不橫空
不放微雲一鳥通
幸有神靈開問道
慚無表餌謝羣公
屠羊未失當年業
喪馬休談塞上翁
最是兒曹愁解事
偶然滅火又還風

莫怪雲雷動滿盈
膠膠鷄唱自分明
關西未識賈君面
魯國空多男子情
談虎尾應教眾昨
畫龍領亦少人搜
千秋祇作窮愁案
三品料無仗下鳴

成蹊桃李未成陰
有淚良朋但創心
破竹嘶風難作筵
焦桐帶火不宜琴
牛衣智落婦人後
麟袂道妨樵子侵
卻憶蘇門山長老
幾回清嘯與微吟

天步當艱數亦奇
二陵風雨也含悲
劍門水落蠶叢路
楚客招魂芳草詞
汎汎栢舟逢劊子
堂堂家計與纖兒
看多葶藶經秋盡
尚有黃花罌竹籬

江上逢君春水開
親人魚鳥且裴徊
可從蜀道分支石
莫向昆池間劫灰
放鹿腰間懸歲月
栖猿架頂謝文才
南方戎馬無他路
一任紅雲共落梅

烹君絳雪破青霜
一夕開尊十日香
此道不從茶話得
餘生未假竹書光
斗間滯氣看朝散
枕底靈龜笑晚藏
寄語飛綸諸妙手
冥冥吾蚤示高翔

送大司馬范質公環召入都四章

篇中闕文從大滌函書補錄

爲誰留滯此江濱
翻自途窮見德鄰
四海無家餘一劍
千秋報國仗孤身
時艱不敢辭危步
主聖猶勞念放臣
何日乾坤豺虎

靖雍容禮殿動麒麟

帝圃耘鋤久已繁每煩真宰自當門千金買刻看今日七使傳
呼想至尊鍾嶽精靈匡四塞孝陵神烈護中原不堪悲喜聽明
詔但祝朝旌與暮轅

元祐波瀾復幾時果然司馬慰羣兒開滕雷雨開新閣洗甲風
靈洗舊碑自是人情賢夢卜漸傳物色到胥靡禁中頗牧閒相
問爲誦民勞六月詩

雲霓跂足舉朝同免胄纓冠共此翁已信渙丘來道岸躡駕破
膽在軍中殘碁點子收高手曲突移薪謝末功袖裏倘存裴度
傳煩鈔數本寄秋風

